

2  
DISSERTATIO INAUGURALIS  
ANATOMICO-OBSTETRICIA

DE  
SECTIONE  
SYNCHONDROSEOS  
OSSIIUM PUBIS

QUAM  
FAVENTE SUMMO NUMINE  
EX CONSENSU

GRATIOSÆ FACULTATIS MEDICÆ  
PRO LICENTIA  
GRADUM DOCTORIS

legitime consequendi

DIE XVII. JUNII ANNO MDCCLXXIX.

*Solemni Eruditorum Examini submittit*

EMANUEL BENTLEY  
HELVETO - BERNAS.

H. L. Q. C.


---

ARGENTORATI

Typis JOH. HENRICI HEITZII Universitatis Typographi.







## PROŒMIUM.



Neminem fane fugit, arctiorem pelvis ossium compagem omnium difficillimos creare partus, ita ut a nulla re plus metuant obstetricantes, quam a mala conformatione ossium, quæ cavum pelvis constituere juvant, quippe quæ quandoque ita male conformata reperiuntur, ut foetus in utero materno inclusus absque artis auxilio repagula, quibus coërcetur, superare nequeat, atque per vias naturales in lucem prodire; imo quandoque horum ossium difformitas tanta est, ut nec arti datum sit, foetum per vias naturales extrahere vivum, quare obstetricantes plane aliam viam ingredi debent, atque coacti sunt, prudenti sectione foetum e ventre matris eximere, quæ quidem operatio vix non semper tantis stipata est periculis, ut nonnulli in arte obstetricia præclari viri, inter quos præcipui sunt, GUILLEMEAU a),

---

a) GUILLEMEAU de *Arte obstetricia de Sectione Cæsarea.*



MAURICEAU *b)*, ROLFINCIUS *c)*, SOLINGENIUS *d)* atque PEU *e)* hancce operationem; licet aliquoties jamjam felici cum successu coronata fuerit, eam tamen ceu nimis crudelem & barbaram non modo dissuaserunt sed prorsus damnarunt.

Quum itaque hæcce operatio nullo non tempore periculis plena sit, Dn. SIGAULT Anno 1768. Ill. Academiae Parisinæ Chir. novum proposuit medium, sectionemque Synchronoseos Ossium pubis illi substituendam censuit, ubi nimirum Sectio Cæsarea inevitabilis esset *f)*. Rejecto autem ab Ill. Academia ut insano hocce consilio, Dn. SIGAULT tamen animum non dejecit, sed data occasione Sectionem Synchronoseos ossium pubis in foemina quadam nomine SOUCHOT, quinta vice gravida instituit *g)* foetum extrahens vivum, matrem in vita conservavit; quæ operatio ab initio omnium in sese adduxit admirationem, paulo post vero varios nacta fuit adversarios, acerbis reprehensionibus hancce operationem notantes.

Dum autem tum temporis de elaborando specimine Academico cogitabam, ut legibus Academicis etiam satisfacerem, hancce quæstionem in me suscepi elaborandam: *Num nempe Sectio Synchronoseos ossium Pubis substitui valeat Sectioni Cæsareæ?* Quem in finem itaque primo descriptionem exhibebo de structura compagis ossium pelvim constituentium, & præcipue ligamentorum Synchronosiumque in pelvi reperiundarum, quippe nimi-

---

*b)* MAURICEAU *de Arte Obstetr.* Lib. 2. Cap. 32.

*c)* ROLFINCIUS *Obs. Anat.* Lib. I. Cap. 13.

*d)* SOLINGENIUS *Operat. Chir.* Cap. de *Seç. Cæs.*

*e)* PEU *Pratique des Accouch.* Liv. II. Chap. 2.


*f)* *Recherches historiques & pratiques sur la section de la Symphyse du Pubis*, par M. ALPHONSE LE ROY. Paris 1778.

*g)* LE ROY lib. cit. pag. 34.





rum illis innititur mobilitas ossium pelvis toties ante, in, & post partum observata. Finita hacce descriptione, experimenta proponam, quæ ratione Sectionis Synchrondr. ossium pubis in emortuis foeminis fuere instituta, quibus subjungam duas observationes Sectionis Synchrondr. ossium pubis in parturientibus institutas. Unde dein quæstio extricabitur, num Sectio Synchrondr. ossium pubis substitui valeat Sectioni Cæsareæ.



### §. I.

**P**elvis itaque ossea, rotunda fere & æquabilis deorsum angustata cavitas dicitur, quæ imæ lumborum vertebræ adnexa, infimam trunci partem constituit.

Construitur hæcce pelvis ex osse sacro, cui a lateribus annexa sunt ossa innominata, atque ab inferiore appendicis instar appendet Coccygis os, sicque cavum formatur, quod intestina cum vesica urinaria & genitalibus intus reconditis recipit continetque.

Pelvis cavum posterius *Os sacrum* constituit, columnæ osseæ pelvisque fundamentum, figuram habet a superiori latiore & crassiore, ab inferiori angustior & tenuior, ab anteriori concavam & æquabilem a posteriori convexam & asperam *h)*. Basis ejus sursum versa cum ultima lumborum vertebra unitur, ibique angulum prominentem efformat, apex autem deorsum tendens ossi Coccygis nexum præbet.

Quodque latus Sacri ossis per longitudinem incurvum est, superne, ubi crassius est, planitiem habet inæqualem, oblongam, semilunarem cartilagine obductam,

---

*h)* WINSLOW *Exposition anatomique. Traité des os secs* §. 511.  
512.



quacum in utroque latere coxarum os connectitur *i)*, a latere hujus planitiei & parum retrorsum binæ foveæ reperiuntur, quæ substantiam quandam propriam continent, quæ substantia ex texto celluloso admodum firmo maximeque stipato conflata esse videtur, in cujus cellulis pinguedinosa materies hinc inde reperitur, quæ lubricandis ligamentis cartilaginibusque inservire videtur. Inferne latera desinunt in oras tenues, introrsum incurvatas inæquales ad se mutuo accedentes & longissime ab ossibus Ischii distantes, ad quæ tamen alligata tenentur per ligamenta valida.

## §. II.

*Os Coccygis* inter ossa pelvim componentia minimum, appendix quasi ossis sacri esse videtur, ex tribus interdum quatuor ossiculis per synchondrosin junctis atque mobilibus est compositum, ejusque figura ad illam conisecundum longitudinem dissecti appropinquat, cujus basis mediante cartilagine apici ossis sacri affixa est.

## §. III.

Lateribus ossis sacri unum utrinque connectitur irregulare, crassum validumque os, *innominatum* dictum, in tres dividitur partes, quæ in subjectis junioribus cartilaginum ope junctæ, in adultis autem evanescentibus cartilaginibus ita firmiter connexæ sunt, ut unum videntur efficere continuum.

*Os Ilium* e tribus maximum est *k)*, superiorem occupat locum, amplitudo hujus ossis interna posteriora versus tota inæqualis est, & cum sacro osse connectitur, a priore hujus partis planities est oblonga, cartilagine

---

*i)* WINSLOW. lib. cit. §. 515.

*k)* WINSLOW. lib. cit. §. 578.



quadam incrustata, semilunarem figuram referens, similis illi, quæ in latere ossis sacri reperitur, sic tamen ut, ubi in sacri planitie sinus sit, hic tuber inveniatur, & vice versa, adeo ut multis partibus mutuo ingressu Ilium os sacro committatur, & ligamentis validis commissura contineatur, sic, ut firma sit, nec nisi nonnihil dimoveri possit *l*). Ultra hunc nexum Ilium in posteriora procedit, ubi foveæ illæ binæ media separatæ eminentia in sacro inveniuntur, ibique tota aspera, tuberculata ipsique alligatur ligamentis crassis valentissimisque, & ultra illud longius prominet.

*Os ischii* media & infima universi ossis innominati pars est, hujus tuberositati dum sedemus, totum innititur corpus, hæcce tuberositas emittit antrorsum sursumque ramum instar parvæ productionis sive apophysis planæ, quæ sursum versus os pubis ascendit, cumque ejus crure inferiore confluit *m*).

#### § IV.

*Pubis os* tertia & anterior ossis innominati pars est *n*) duobus cruribus oritur; quorum unum crus superius parum deorsum vergens ab ilio ad pubem pertinet; corpus ossis pubis extrinsecus & intrinsecus depressum est, atque in sinuatam desinit planitiem asperam fere ovatam cartilagine incrustatam, qua cum simili planitie alterius pubis ossis committitur; alterum crus deorsum oblique retrorsum & extrorsum angulo obtuso a corpore ossis pubis ad tuber ischii tendit.

#### § V.

Hæcce autem pelvis ossa non unicum constituunt

*l*) ALBINUS de *Scelecto humano* Lib. Cap. 53. §. 8. pag. 256.

*m*) WINSLOW. lib. cit. *Traité des os secs* §. 590.

*n*) WINSLOW. l. c. §. 592.



os, sed inter se cartilaginum & ligamentorum ope connectuntur committunturque, quæ efficiunt, ut statu graviditatis partusque tempore quandoque pelvis ossa paululum a se invicem secedant. Juvat hinc hæc conjunctiones adhuc seorsim considerare, quippe nimirum hisce juncturis innititur pelvis dilatatio, qua de re quam maxime inter se dissentiunt auctores, dum unus eam negat, alius in partu laborioso eam admittit, tertius in omni partu pelvim dilatari voluit.

#### §. VI.

Cartilago autem sacrum os cum ilio connectens, utrinque duplex est, adhæret enim tam sacri ossis quam ilii planitiei pars, unde hæc ossium compositio a Cel. ALBINO o), non symphysis sed articulus vocatur, talis vero, qui ad facilem motum minus aptus, dimoveri tamen nonnihil ossa sinit, sed obscurius. Utraque cartilago formam habet planitiei, qualis in osse sacro ilioque reperitur, hasque leviter tegit, totaque etiam inæqualis est, sic, ut alterius eminentiæ per sinus alterius recipiantur. Margo anterior & inferior symphyseos hujus cartilaginosa sub lineæ albæ habitu intra pelvim terminatur, atque membrana orbiculari circumvolutus & obtectus est, quæ super ipsorum processuum aliformium planitiem utrinque projicitur p).

#### §. VII.

Quid autem tenendum est de substantia cartilaginosa pubis ossibus interjecta, an unica solummodo adest cartilago, an duæ? & si duæ adsunt cartilagines, num immediate sese tangunt, sibi que invicem committuntur,

---

o) *De Sceleto hum. lib. Cap. 2. §. 8. 9. pag. 12.*

p) WEITBRECHT *Syndesmologia* Sect. 4. §. 48. pag. 128. 129.



num materies quædam pulpofa elastica, an potius substantia ligamentofa interjecta illis est? An in utroque sexu eadem est conformatio? En in varias rursus abierunt sententias auctores.

Unicam admisit cartilaginem ROEDERERUS *q)* quæ cartilago nempe nec supra os vicinum moveretur, firmiter eidem inhærens, nec supra proprias partes, quæ nimis arcto & stipato nexu coaluerunt.

SANTORINUS *r)* jam de ea re dubitasse videtur, quum enim in recenter denatis puerperis quandoque pubis ossa a se invicem diducta reperisset, tunc consequi ipsi visum fuit, pubis ossium connexionem non per synchondrosin effici, quum, quæ legitimæ cartilagines sunt, flecti quidem, at distrahi patiantur nunquam. Cel. HUNTERUS *s)* utriusque ossis superficiem cartilagine incrustatam esse voluit, inter quas cartilagines substantia ligamentofa hæreret, harum cartilaginum intervallum adimplens. Cel. CAMPERUS *t)* annotavit: *Pubis ossa a parte anteriore ligamento valido atque denso, etiam interjecta cartilagine connecti, quæ in viris quartam pollicis partem lata, valde elastica & pulpofa est, præsertim in meditullio, in feminis vero latior est, ceterum ejusdem naturæ ac in viris.* Subjungit dein: *Hancce synchondrosin laminis cartilagineis inter vertebrae sitis prorsus similem esse.* Cel. LEVRETUS *u)* talia de juncturis ossium pelvis animadvertit: *Dans l'un & l'autre sexe les os du bassin sont joints entr'eux par le*

*q)* ROEDERER *Elementa artis obst.* Cap. 1. §. 17. 18.

*r)* SANTORINI *Observationes anatom.* Cap. 11. §. 4. pag. 210. edit. Venet.

*s)* *Medical Observations and Inquiries by a Society of Physicians of London*, Vol. II. Artic. 28. pag. 314.

*t)* CAMPERI *Demonstrationes anatomico-pathologicæ* Lib. II. Cap. 1. §. 2. pag. 1. 2.

*u)* LEVRET *l'Art des Accouch.* §. 23. pag. 5.



*moyen de plusieurs cartilages.* Licet quidem revera pelvis ossa non mediantibus cartilaginibus conjuncta sint, sed potius ope ligamentorum; solutis enim & discissis ligamentis, illæsis licet cartilaginibus, pelvis ossa a se invicem secedunt, idem etiam observare est in parturientibus, dum pubis ossa relaxatis ligamentis a se invicem secedunt, tunc spatium aliquod inter duas cartilagineas reperitur: Addit dein Cel. Vir: *mais le nombre de ces cartilages est plus grand dans le bassin des femmes, que dans celui des hommes.* Quæ verba ita intelligenda erunt, quod cartilago symphyæ interjecta in feminis duplex sit, simplex vero in viris. Quid autem accuratior indagatio anatomica detexerit, mox proponam.

Diu quidem in tanta sententiarum discrepantia dubius hærebam, quænam ex illis pro vera amplectenda esset; quam Cel. CAMPERUS fovet sententiam, præ reliquis tamen mihi arrisit, ut autem materiem illam pulposam elasticam oculis meis lustrare possem, cumque illa inter vertebrae sita comparare; en sequens experimentum institui: substantiam cartilaginofam duabus vertebrae interjectam, indeque separatam atque disci formam referentem aquæ immisi: eadem ratione substantiam cartilaginofam pubis ossibus immissam separavi ab ossibus, eamque itidem aquæ commisi. Altero die substantia illa pulposa elastica in medio illius substantiæ intervertebralis hærens, jamjam in conspectum prodibat, visuique sese offerebat, aqua enim ebria sese distendebat; & quum fibræ illæ circulares in circumferentia disci positæ sese distendere non paterentur, hæcce materies elastica in medio disci sese elevabat, atque in altum surgebat, ita ut hæc substantia intervertebralis, antea discum referens, nunc coni figuram acceperit: substantiam autem cartilaginofam ab ossibus pubis separatam examinans, nihil mutatam reperi, plana ejus utrinque æqualia erant, nulla

mate-



materies elastica observari potuit, per quatuordecim dies eandem aquæ reliqui, & ne tum quidem eam mutatam reperi, ut autem interiorem ejus habitum penetrarem, scalpelli ope ab anteriore ejus margine sensim sensimque tenuia frustula abscidi, quo facto demum reperi, hancce cartilaginem in sui medio longitudinaliter in duas partes sese dividere. Vix fidens oculis meis, continuo pubis ossa cum se invicem juncta atque ab ossibus innominatis pelvis femininæ separata aquæ immisi, eaque per aliquot dies illi commissa attente dein lustrans, atque aliquam mobilitatem in illis observans, soluto scalpelli ope anulo ligamentoso ab interiore concava ossium parte utrinque juxta longitudinem prominentis lineæ symphyseos, manibusque prehenfis pubis ossibus, eaque motitando a se invicem separavi, ita ut in utroque osse crusta cartilaginea planitiem ossis obducens in conspectum prodierit, & in antica parte, ibi, ubi crusta cartilaginea desinit ligamentum transversale apparuerit: Non contentus autem talia in subiecto feminino observasse, illico pubis ossa ex masculo subiecto desumpta eidem examini subjiciens, eadem ratione omnia sese habere observavi prouti in subiecto feminino, planities enim utriusque ossis cartilagine incrustata reperiiebatur, quæ duæ cartilagines absque ulla alia substantia intermedia ligamentosa aut pulposa elastica, sibi invicem committuntur. Varia alia adhuc pubis ossa tam ex subiectis masculinis quam femininis examini subjiciens, conjunctionem horum ossium constanter eadem ratione comparatam esse observavi.

Quod si autem hæcce indagare tibi met ipsi volupe est, si veram structuram hujus conjunctionis penetrare tibi animus est; sumas, quæso, pubis ossa ferræ ope ab ossibus innominatis discriminata, committas illa per aliquot dies aquæ, ad relaxanda ligamenta, tunc manibus prehenso pubis ossa eaque extrorsum introrsumque mo-



titando, crepitum quendam exaudies, atque motum evidentem observabis: soluto dein ab interiore concava parte annulo ligamentoso utrinque juxta symphyfin, aut quod melius est abscisso scalpelli ope annulo ligamentoso immediate supra lineam illam prominentem, ubi cum cartilaginibus connexus est, pressis dein ossium extremitatibus extrorsum, reperies cartilagines in commissura sese findere, sensimque a se invicem sese dimovere; tuncce demum interiorem structuram hujus commissuræ contemplari poteris, & reperies, pubis ossa ea parte, qua sibi invicem committuntur, non tota sua crassitie plana esse, sed solummodo dimidiam interiorem crassitiei partem planam esse, quæ pars cartilagine tenui est incrustata, alteram autem crassitiei partem externam oblique abscissam quasi secundum longitudinem ossium pubis apparere, ita ut duo pubis ossa ab annulo ligamentoso soluta, sibi invicem rursus apposita, ab anteriore parte fossulam offerant, quæ fossula eo inservit, ut annulus ligamentosus hac in parte multo crassior & validior quam ab interiori parte eo melius collocari queat, præcipue etiam ligamentum transversale in hacce fossula sedem suam habet, ita ut fibræ ejus ab una fossulæ parte transversim ad alteram meent, seseque infigant: Hæc autem fossula ligamento undique repleta quibusdam imposuit, ut cartilaginem pubis ossibus interjectam ab anteriore parte latiorrem esse autumaverint, tenuem autem ab interiore parte. Cartilagines autem planitiam ossium pubis incrustantes tenues admodum sunt, nec ab exteriori parte latiores quam ab interiore, nec etiam in feminis multo latiores sunt quam in viris. Quod autem faciem illam cartilaginum attinet, quæ sibi invicem committuntur, ea plana est aliquantulum tamen inæqualis, ita ut parvæ eminentiæ unius cartilaginis a foveolis alterius lateris excipiantur, & vice versa, hæ cartilagines immediate sibi invicem





committuntur, prouti cartilagines synchondrosium sacro-iliacarum absque ulla interjecta substantia ligamentosa aut pulposa elastica, sed superficies earum immediate supra se invicem moventur. Inæqualitates in cartilaginibus reperiundæ in singulis subjectis variant.

Coccygis os cum simili substantia, qua dorsi vertebræ inter se junctæ sunt, apici ossis sacri junctum est.

### §. VIII.

Quæ pelvis articulos firmitus colligant, *ligamenta* nunc quatenus ad nostrum pertinent scopum, describenda sunt.

Inter quæ est *ligamentum posticum longum* ossis ilii a WEITBRECHT nominatum x) ex spina superiori postica ossis ilii egreditur, parumque oblique descendit, seseque infigit quartæ apophysi spurie transversæ ossis sacri. Hocce ligamentum symphyssi os ilium inter & os sacrum intercedenti maxime succurrit, & ligamenti munere fungitur. *Ligamentum posticum breve* y) separato priori ligamento detegitur sed brevius est, ex eadem spina ad apophysin ossis sacri transversam tertiam progreditur. Usus ejus idem est cum priori. *Ligamentum laterale posticum* z) ex ejus spinæ latere interno, ossi sacro accumbenti transversaliter descendit, ad inferiorem marginem vertebræ primæ spurie ossis sacri, hiatum sub se relinquens, sub quo extremi tendines musculorum sacro lumbaris & femispinosi collocantur, cui quidem fini potius quam robori connexionis ossium favere videtur.

Præter hæcce ligamenta aliud adhuc reperitur *liga-*

---

x) WEITBRECHT *Syndesmologia* Sect. 4. §. 38. pag. 122. 123. Tab. 16. fig. 51. f.

y) WEITBRECHT lib. cit. §. 39. pag. 123. tab. 16. fig. 51. g.

z) Ibidem h.

*mentum transversum* inter ossis sacri latera prominentem-  
que ossium ilium partem posteriorem locatum, ex multis  
validissimisque constans fasciculis ligamentosis admodum  
stipatis. Hi fasciculi ligamentosi surgunt ab apophysi  
transversa vertebræ primæ secundæ & tertiæ spuriae ossis  
sacri transversimque meant, seseque extendunt ad aspera  
tubercula, quæ in parte ilii introrsum fornicata & ultra  
os sacrum prominente reperiuntur, seseque infigunt ibi-  
dem juxta totam ilium prominentem partem secundum  
marginem posteriorem ossium ilium usque ad spinam ilii  
posteriorem & superiorem. Hocce ligamentum præcipue  
infervit ad validam conjunctionem ossium ilium cum sa-  
cro, ita ut hæce ossa validissime cum se invicem mediante  
hocce ligamento colligata sint, nec adeo facile a se invi-  
cem secedant.

### §. IX.

Ischio annectitur sacrum os præcipue per *ligamenta sacro-ischiatica* horum unum.

*Majus a)* lata basi oritur ex tuberculo quarti & quinti processus transversi spurii porro ex reliquo tractu  
extremitatis ossis sacri, convergentibus fibris oblique de-  
orsum extrorsum atque antrorsum apice suo in marginem  
lateralem internum tuberis magni ossis ischii exporrigitur.  
Usus ejus est ad combinanda & in situ suo servanda  
ossa pelvis symbolam conferre, etiamque musculo glu-  
tæo magno sedem commodiorem & firmiorem præbere.

*Ligamentum sacro-ischiaticum minus b)* eandem cum  
præcedenti originem habet, illud in dorso pelvis hæret,  
hoc vero intra cavitatem pelvis horizontaliter versus an-  
teriora fertur, atque in ipso acumine spinæ posticæ ischii

---

a) WEITBRECHT lib. cit. §. 41. pag. 124. tab. 16. fig. 51. k.

b) Ibidem §. 42.



terminatur. Usus præstat non solum communem cum anteriori, sed & simul originem præbet musculo levatori coccygis.

*Ligamentum anticum superius c)* sublato musculo psoa ligamentum transversale occurrit triangularis formæ, cuius apex est in ipsa suprema summitate curvaturæ spinæ ossis ilii, basis autem in oppositis processibus transversis vertebrarum lumbarium. Hocce ligamentum insertionem tendinosam musculi quadrati lumborum in spinam ilii ad angulum fere rectum trajicit atque obtegit.

*Ligamentum anticum inferius d)* infra præcedens jacet, brevius illo est at robustius. Ex interiori sede infimæ spinæ ilii descendit directione magis obliqua ad faciem demissam processus transversi quinti, simulque adnascitur ad filamenta ligamentosa, quæ huncce processum lumborum quintum & summitatem processus transversi spurii aliformis ossis sacri longitudinaliter interjacent.

## §. X.

Commisura ossium pubis cartilaginea *annulo* quodam *ligamentoso* obvolvitur *e)* ab externa parte multo crassior est, quam ab interna, ubi tenuior existit.

*Ligamentum* hocce *annulare* ossium pubis antè corroboretur adhuc a duabus columnis utriusque musculi obliqui externi, quarum una columna versus spinam ossis pubis ejusdem lateris oblique descendit, symphysem pubis antè deinde supergreditur, atque inferius parti latæ ossis pubis alterius lateris inseritur *f)*. Hæc columna ante symphysem oblique transgrediendo cum illa alterius

c) WEITBRECHT lib. cit. §. 46. pag. 127. tab. 10. fig. 37. i.

d) WEITBRECHT lib. cit. §. 47. pag. 128. tab. X. fig. 37.

e) WEITBRECHT lib. cit. §. 50. pag. 130. Tab. 17. fig. 52. x x y.

f) WINSLOW *Eposition anatomique Traité des muscles*, §. 82.

lateris concurrat eamque decussat. Altera columna g) deorsum magis tendit, partique mediæ symphyseos & pauxillum etiam ossi pubis alterius lateris inferitur.

Sub ligamento autem annulari antè juxta totam longitudinem ossium pubis aliud reperitur *ligamentum transversale*, a nemine adhuc, quantum ego saltem novi, descriptum. Cujus fasciculi ligamentosi ab uno pubis osse ad alterum transversim meant, ita ut sese invicem decussent, atque quandoque digitationes efforment. Hocce ligamentum optime videre est, quando ligamentum annulare in postica & interiori ossium pubis parte solvitur, quæ per aliquod temporis spatium aquæ fuerant immissa, diductis tunc pubis ossibus antè juxta totam ossium pubis longitudinem ligamentum hocce reperitur. Præcipue inservit ad confirmanda atque cum se invicem colliganda pubis ossa.

Relaxatis nunc hisce ligamentis pubis ossa paululum a se invicem secedunt, id, quod præcipue in partu laborioso contingere quandoque assolet; prouti observatum fuit, ut discisso ligamento annulari pubis ossa statim a se invicem paululum secesserint, atque statim sine ulteriori opera in duo frustra diffissa fuerint h).

## §. XI.

Integra pelvis supra infraque maxime patet, ubi aperturæ pelvis annotantur, obstetricantibus scitu summe necessariæ. Et quidem annotanda est *apertura superior*, quæ in subjectis foemininis ad figuram aliquo modo ellipticam accedit, efformaturque a crista ossium pubis, linea eminenti ossium ilium, atque a superiori ossis sacri

---

g) WINSLOW lib. cit. §. 83.

h) WEITBRECHT. lib. cit. §. 50. pag. 131.



parte eo præcipue in loco, ubi illud cum ultima lumborum vertebra angulum illum prominentem efficit.

*Pelvis apertura inferior* efformatur ab ossium pubis arcu eorundem atque ischii ramis & protuberantiis, ligamenti sacro - ischiaticis & osse coccygis.

Hæ pelvis aperturæ varias suas habent dimensiones, quæ plus vel minus variant, de quibus mensuris catalogum dedit Cel. CAMPERUS in tractatu de pelvi, quem præfixit editioni Belgicæ MAURICÆI Anno 1759 Amstelodami reimpresæ, quem catalogum hicce apponere lubet, ut differentia diametrorum eo melius in oculos cadat.

In apertura superiori.      Pollices Rhæmol.

SMELLIUS invenit rectam diam.	=	$4\frac{1}{4}$	transv.	=	$5\frac{1}{4}$ .
BURTON      -      -      -      -      -      -	=	$4\frac{1}{4}$	-      -	=	$5\frac{1}{2}$ .
WINDIUS      -      -      -      -      -      -	=	$4\frac{3}{4}$	- $4\frac{1}{8}$	=	$5\frac{1}{8}$ .
CAMPERUS      -      -      -      -      -      -	=	$4\frac{3}{4}$	-      -	=	$5\frac{1}{2}$ - 6.

In apertura inferiori.

SMELLIUS invenit rectam diam.	=	$5\frac{1}{2}$	transv.	=	$4\frac{1}{2}$ .
BURTON      -      -      -      -      -      -	=	$4\frac{1}{4}$	-      -	=	$4\frac{1}{4}$ .
WINDIUS      -      -      -      -      -      -	=	$3\frac{1}{8}$	-      -	=	4.
CAMPERUS      -      -      -      -      -      -	=	$4\frac{1}{2}$	-      -	=	4 - 5.

## §. XII.

Hancce diametrorum proportionem ut plurimum servant aperturæ in pelvibus bene conformatis; quod si autem vitium conformationis adest in ossibus pelvim constituentibus, tunc pro ratione vitii ejusque loci, quem occupat, diametri variant, & a naturali sua dimensione discrepant. Quo magis enim in apertura superiori pars ossis sacri superior cum ultima lumborum vertebra versus pubis ossa prominet, eo magis diminuitur recta diameter, aut quando pubis ossa introrsum versus pelvis axin accedunt, itidem diminuitur recta, quandoque ambo

hæc vitia simul occurrunt, & tunc eo magis apertura superior ab anterioribus posteriora versus angustatur. Hinc reperiuntur quandoque foeminæ, quarum diameter recta aperturae pelvis superioris tres pollices non excedit, aliæ, quæ rectam habent duobus pollicibus non maiorem, imo quandoque accidit, quamvis quidem perraro, ut recta diameter longitudinem unius pollicis cum dimidio non superet *i*).

In apertura inferiori protuberantiæ ossium ischii si justo plus ad se invicem accedunt, diametrum transversam imminuunt, ita ut distantia inter illas, quum quatuor pollicum cum quarta parte esse deberet, tres pollices non excedat, & quandoque etiam hæcce distantia adhuc minor est *k*). Quandoque vertebræ spuriae ossis sacri introrsum prominent in pelvis cavum, cavitatemque ejus imminuunt.

Coccygis os quando nimis introrsum incurvatum est, conjugatam inferiorem imminuit.

Inter omnia autem pelvis vitia, quæ partum laboriosum difficillimumque reddere valent, nullum frequentius occurrit vitium quam illud, ubi ultima lumborum vertebra cum superiori sacri ossis parte nimis antrorsum versus pubis ossa prominet, atque ita cum columna vertebrali angulum admodum acutum efformat. Et revera hicce locorum accidit, ut caput foetus utplurimum retineatur.

### §. XIII.

Non autem sufficit mensuras pelvis nosse, sed nosse etiam oportet dimensiones capitis foetus, quippe nimirum artis

---

*i*) SMELLIE *Traité des Accouch.* trad. par M. PREVILLY, Tom. I. Liv. I. Sect. 4. Chap. I. pag. 82.

*k*) SMELLIE lib. cit.



artis obstetriciæ encheireses mechanices & physices legibus innituntur atque ad hocce problema reduci valent: *Data pelvi, cognita ejus capacitate, figura, relatione ad reliquas partes, ex ea educere fœtum data figura & magnitudinis.*

Juvat hinc dimensiones capitum fœtuum, quales CAMPERUS ex variis auctoribus collectas in supra laudato tractatu de pelvi exhibuit, hicce apponere.

	SMELLIUS.	BURTON.	WINDIUS.	CAMPERUS.
Diameter magna - - -	- -	$4\frac{3}{10}$	$4 \cdot 4\frac{1}{2} \cdot 4\frac{3}{4}$	$4\frac{1}{2}$
parva, ibi, ubi futura coronalis est	- -	3.	- -	$3\frac{1}{8}$
ab uno osse bregmatis ad alterum - - -	- -	$3\frac{1}{2}$	$3\frac{1}{2}$	$3\frac{1}{2}$
Distantia a fontanella majori ad foramen magnum occipitis - - -	- -	- -	$3\frac{1}{4}$	$3\frac{1}{4}$
Axis longitudinalis - - -	- -	$5\frac{6}{10}$	- -	5.
Latitudo humerorum - - -	- -	- -	- -	$3\frac{1}{2}$
Longitudo infantum - - -	- -	- -	- -	16.

Quando nunc diametros pelvis cum capitum diametris comparamus, tuncce apparet, quod theoria de fœtus transitu per pelvim quam OULD & SMELLIUS dedere, quamque alii assumerunt, quæque toties per experientiam est confirmata, firmo innitatur talo. Majore enim capitis fœtus dimensione respondente majori pelvis diametro fit, ut inchoantibus partus doloribus caput aliquantum lateraliter ingrediatur aperturam pelvis superiorem, dein autem ulterius delapsum in medio pelvis cavo, ubi dimensionum ratio est inversa, incurrat in os ischii, indeque nisi deviatio admodum magna fuerit, facile determinetur, levi quadam rotatione facta, facies in partem

ossis sacri anteriorem maxime concavam & occiput ad pubem ita dirigatur, ut naturali positione caput in lucem prodire queat.

#### §. XIV.

Quod si autem compages ossium pelvis justo arctior est, ita ut foetus moles illam rite permeare nequeat, id, quod difficillimos sæpe creat partus, aut si capitis moles pelvis capacitatem superat, tunc foetus caput in transitu suo per pelvis cavum multo cum labore ab uteri contractionibus transprimitur, aut in transitu suo retinetur & comprimitur, ita ut ulterius procedere nequeat, exque angustiiis suis emergere.

#### §. XV.

Quivis autem facile perspicit, quod hæcce discrepantia, quæ quandoque capacitatem pelvis inter & capitis foetus molem intercedit, varios admittat gradus, qui commode quidem ad tres referri possunt 1).

*In primo gradu* lenta dolorum actio caput quolibet motu parum promovet, tandemque partum absolvit; quamvis quidem non raro in more sit positum, huncce incuneationis gradum forcipis ope absolvere.

*In secundo gradu* obstacula majoris jamjam sunt momenti, natura tamen partum sed funestum absolvere valet; quamobrem naturæ succurrendum arte est, caputque ope forcipis comprimendum extrahendumque.

*Tertius autem in-cuneationis gradus* ita est comparatus, ut neque dolores vehementissimi caput ulterius compingere, neque comprimentis instrumenti pertinacia illud protrahere valeat.

---

1) Stein praktische Anleitung zur Geburtshülfe. Cassel 1777. 3ter Abschnitt, 1. Cap. pag. 136. §. 529.



## §. XVI.

Hæc autem difficultas aut ad aperturam pelvis superiorem aut ad inferiorem occurrere potest, quod si autem dimensiones aperturæ superioris multum peccant, nimisque parvæ sunt, tunc caput impediunt, ne in pelvis cavum descendat, sed potius supra eandem subsistat, &, cum figuram oblongatam accipere deberet, potius in formam complanatam comprimatur.

Multum enim abest, ut caput nimis voluminosum pelvim bene formatam intret, aut pelvis nimium difformis caput mediocris magnitudinis excipiat, ut caput, cum pelvis cavum intrare deberet, potius in latera cedat, aut supra pelvis ambitum expandatur *m*).

Ad inferiorem pelvis aperturam itidem subsistere potest caput, quando nimirum pelvis apertura inferior nimis est coarctata.

## §. XVII.

Quando itaque in tertio incuneationis gradu res eo sunt redactæ; ut de omni forcipis successu desperandum sit, quando foetus adhuc vivere non hæsitantes speramus, anceps consilium est, & ex iis, quæ circumstant capiendum. Duo enim supersunt media, aut incidendum abdomen est, foetusque per cruentam plagam extrahendus, aut perforationis ope capitis volumen diminuendum, foetusque moles per vias naturales extrahenda.

## §. XVIII.

In duas abierunt sententias auctores; alii enim censuere, melius esse foetum perire *n*) quam perire certo

*m*) Stein lib. cit. 3ter Abschnitt, 2. Cap. pag. 143. §. 557. 558.

*n*) BOERHAAV. de Cognoscendis & Curandis morbis §. 1309.



utrosque. HEISTERUS eandem tulit sententiam o) dum extractionem foetus per vias naturales periculosa sectioni Cæsareæ præferendam censet, *si per vaginam foetus licet etiam nonnisi per frustra securiori modo extrahi queat, quippe enim matri potius tanquam arbori parcendum, foetumque tanquam ramum quacunque ratione (licet etiam forte adhuc vivat) extrahendum suadet.* Alii autem abdominis aperturam præferendam censuere: RULEAU, ROSSETUS, BAUHINUS, HILDANUS, CYPRIANUS, siquidem per hanc operationem matris & foetus vita servari valet; licet quidem omni periculo non vacet hæc operatio, quippe nimirum abdomen largo vulnere debet aperiri, ipse uterus gravidus vasis dilatatis, copioso sanguine plenis, turgens discindi debet, id, quod non tantum mulieribus illam subituris, sed & Medicis & Chirurgis horrorem incussit. Cumque etiam non semper felix fuerit successus, hinc multi illam damnarunt omnino, inter quos præcipui sunt GUILLEMEAU, MAURICEAU, ROLFINCUS, SOLINGENIUS, ceu nimis barbaram & crudelem, imo matri semper exitialem. Sæpius etiam nec parturiens nec adstantes hanc operationem admittunt, nisi dum jam vires fatiscunt omnino, tunc autem mors, si sequatur, adscribitur huic operationi, cujus felix exitus sperari potuisset, modo citius fuisset instituta, integerrimas enim matris vires, bonumque corporis habitum requirit.

## §. XIX.

Casus autem, qui sectionem Cæsaream instituendam esse indicant, nimirum sunt sequentes.

1. Quando in foemina maturo foetu gravida pelvis tanta laborat angustia, ut vel operatoris manus per pelvis

---

o) HEISTERI *Institutiones chir.* Part. II. Sect. 5. Cap. 113. p. 725.



- cavum in uterum demitti, vel hac licet demissa, foetus extrahi vivus nequeat *p*).
2. Ubi foetus in utero materno non est evolutus, aut facta forte ruptura in interiora pelvis pervasit.
  3. Quando in pelvis cavo circa orificium uteri adsunt tumores, duritiem scirrhi æmulantes, & prægrandis magnitudinis, ita ut manus in uterum demitti nequeat, qualem casum observat HILDANUS *q*).
  4. Quando hernia uterina adest prægrandis, quæque cohæret & concrevit cum vicinis partibus, ita ut uterus in suum locum amplius restitui non valeat *r*).

## §. XX.

Mala autem conformatio ossium pelvis ab omni tempore inter præcipuas relata fuit causas, quæ Operationem Cæsaream exigunt, quando enim pubis ossa introrsum sunt depressa, aut sacrum os nimis prominet atque procedit suprema sui parte versus pubis ossa; aut quando tuberositates ossium ischii nimis ad se invicem accedunt, tunc utique nimia adest discrepantia inter caput foetus maturi atque pelvis cavum, per quod transire debet.

Quum autem hodiernis temporibus nova excogitata fuit methodus, cujus ope nimirum pelvim nimis angustam dilatari, foetumque vivum per vias naturales extrahi posse putarunt, hinc necesse est, ut angustia pelvis prius accuratius determinetur, quæ nimirum Operationem Cæsar. absolute exposcit, ut dein de illa nova methodo, quam hodiernis excogitarunt temporibus, melius ferri queat iudicium.

---

*p*) LEVRET *l'Art des Accouch.* Chap. 1. Art. 2. pag. 11. §. 61.

*q*) HILDANI *Obs. & Curat.* Cent. Obs. 67.

*r*) *Mémoires de l'Académie de Chir.* Tom. II. *Recherches sur l'opération Césarienne* pag. 332. 4to.



Quivis enim facile perspicit, quod sectio synchondroseos ossium pubis, si alicujus utilitatis est, unice in nimia pelvis angustia adhiberi possit; in reliquis enim casibus sectionem Cæsar. exigentibus eam sectionem synchondr. instituere velle, insanum sane esset inceptum.

### §. XXI.

Ad angustiam pelvis determinandam, quæ partum per vias naturales absolute impossibilem reddit Cel. LEVRETUS in ea est sententia: quod illa pelvis angustia tanta esse debeat, ut manus per illam in uterum demitti nequeat, aut saltem ut obstetricans illam retrahere non valeat prehenso foetus pede. Cel. STEINIUS s) nimirum in illo casu, quo recta diameter aperturæ superioris tres solummodo pollices Parisienses æquat, sectionem Cæs. omnino indicatam esse censet BAUDELOQUE t) paulo latiores adhuc limites ponit, ejusque est sententiæ, quod absolute necessarium sit, quando partus per vias naturales fieri debet, ut conjugata aperturæ superioris ad minimum tres pollices æquet, munita omnibus partibus mollibus huc pertinentibus, transversa autem quatuor pollices habeat.

### §. XXII.

Quod si autem constat, quod pelvis materna & caput infantis ita discrepent, ut posterius illam nullo modo permeare valeat, tunc utique sectionem Cæsar. instituentdam esse apparet, quæ quidem operatio, etiamsi multa exempla hujus sectionis felici cum successu peractæ hinc

---

s) Stein praktische Anleitung zur Geburtshülfe, 4ter Abschnitt, 12. Cap. §. 893. pag. 247.

t) BAUDELOQUE *Principes sur l'art d'accoucher*, Chap. 2, Art. 1. Sect. 5. pag. 12.



illinc in observatorum scriptis occurrant, licet etiam in eadem femina pluries instituta fuerit u) difficillimam tamen & periculosissimam judicarunt fere omnes, qui de illa scripserunt.

### §. XXIII.

Quum autem frequentius observatum fuit, quod ossa pubis a se invicem & ossa ilium ab osse sacro ante & in ipso partu dimoveantur, hinc ex ea secessione ossium pelvis, quæ quandoque in partu laborioso observata fuit, eam sibi formavit Dn. SIGAULTIUS ideam, ut artificialem ossium pubis disjunctionem in partu difficili tentare censuerit; putans, quod hac sectione facta, pelvis nimis angusta eum dilatationis gradum acquirere valeat, quem natura ipsamet attingere non potuit, quodque dein fœtus vivus per vias naturales educi queat, & ita sectio Cæsarea evitari possit.

### §. XXIV.

De secessione autem ossium pelvis non omnes auctores ejusdem sunt sententiæ. Sunt enim nonnulli, qui secessionem pubis ossium a se invicem annotarunt; sunt alii, qui secessionem ossium ilium a sacro admiserunt; alii denique secessionem tam pubis ossium a se invicem, quam ossium ilium ab osse sacro observarunt.

Sic in vivis ossium pubis separationem sæpissime reperit RIOLANUS x). Eandem horum ossium pubis secessionem invenit MORGAGNIUS y) in affini sibi matrona in

---

u) *Journal de Médecine, Chir. Pharm.* par M. A. ROUX, Tom. 36. pag. 576. 8vo.

x) RIOLANUS *Anthropographia* Lib. 6. Cap. 12. *Oper. Anat.* pag. 405. 406.

y) *De Causis & Sedibus morborum* Lib. 3. Epistol. 48. Art. 45. pag. 243.



puerperiis de dolore ad juncturam ipsam ossium pubis conquesta, distans manifesto alterum os ab altero digitis percepit, quod extra puerperia non habebat.

PEU 2) e contrario impossibilem esse mobilitatem ossium pubis in partu contendit, vult autem sine mobilitate nexus sacri ossis cum iliis nunquam exire posse foetum; terque se observasse dicit. *Ossa ilium in juncturis cum osse sacro adeo fuisse separata, ut inter hæc ossa distantia fuerit transversus digitus.* SMELLIE a) observavit foeminam 35 circiter annorum primiparam, tempore, quo vehementes patiebatur partus dolores, vivum dolorem in loco juncturae ossis ilii sinistri cum sacro sensisse, sic ut ossa hæc ipsi sejuncta viderentur. DEVENTERUS b) in ea etiam est sententia, ut putet, quod parum levaminis divulsio ossium pubis in partu laborioso afferat, nec inde petendum sit auxilium; quod potius maxima pelvis amplificatio, qua pateat foetui via, a retrocessu ossis sacri vel totali, vel quoad acumen ejus expectanda sit.

Sunt autem adhuc alii, qui tam in junctura ossium pubis, quam ossium ilium cum sacro secessionem animadvertunt: Sic in vivis totius pelvis motum observavit GUILLEMEAU c) dicit enim: *se in plurimis imposito digito insignem non modo inter pubis ossa, quin & ossium coxarum separationem percepisse.* VESLINGIUS d) in parturiente totam pelvim levi impetu cedere & vacillare percepit, ossibus tam sub pube quam ad latera ossis sacri pollicis minimum spatio diductis.

In

---

2) PEU *Pratique des Accouch.* Liv. I. Chap. 12. §. 12. pag. 184.

a) SMELLIE *Observation sur les Accouch.* Tom. II. Rec. I. Obs. I.

b) DEVENTER *novum lumen obst.* Cap. III. §. 3. pag. 18.

c) GUILLEMEAU *de la Grossesse & Accouch.* Liv. II. Chap. I. *Oeuvres chirurg.* pag. 298.

d) VESLINGIUS *Obs. anat. & Epistol. med.* 25. pag. 117.



In mortuis dissectis puerperis toties observata fuit separatio ossium pelvis. PINÆUS *e)* in corpore suspensæ decimo a partu die ossa pubis a se invicem separata invenit, atque ossa ilium similiter ab osse sacro disjuncta. BAUHINUS *f)* idem vidit in nobili matrona ob secundarias retentas mortua: addunt etiam, quod femore altero sublato, cute adhuc integra, os pubis ejusdem lateris, supra alterius lateris os medii pollicis latitudine eminebat & contra, altero femore elato, illud, quod prius eminebat, inferius conspectum fuerit; BERTIN *g)* invenit pelvim foeminæ post partum difficilem extinctæ, totam vacillantem, & loco juncturæ ossium pubis valde separatam, sic ut una pars pelvis deorsum, altera sursum eodem tempore premi potuerit. Vidit SMELLIE *h)* pelvim foeminæ mox a partu mortuæ, cujus ossa pelvis omnia a se invicem distantia pollicari secesserant. MORGAGNIUS *i)* in puerpera post partum non adeo laboriosum mortua, & cultro anatomico subjecta, juncturas ossium pubis & ilium cum osse sacro laxissime conjuncta invenit. Sic etiam in theatro anatomico Argentinenſi toties reperta fuit mobilitas ossium pelvis in foeminis, quæ vel ante partum, in partu, aut non ita longe post partum diem obiere supremum, ubi ossa pubis sursum deorsumque supra se invicem moveri potuerunt, ita ut motus hicce ossium pubis ope digitorum supra infraque synchondrosin applicatorum admodum distincte percipi, oculisque lustrari potuerit.

---

*e)* PINÆUS *Opuscul. Physiolog. & Anatom. Lib. II. Cap. 7.*

*f)* BAUHINUS *Theat. Anat. Lib. I. Cap. 49. pag. 171.*

*g)* BERTIN *Traité d'Ostéologie Tom. III. Chap. 31. pag. 249.*

*h)* SMELLIE *Observation sur les Accouch. Tom. II. Rec. 1. Art. 1. Obs. 2. pag. 6.*

*i)* MORGAGNIUS *de Causis & Sedibus morborum Lib. III. Epist. 48. Art. 44. Tom. II.*



§. XXV.

Hæc nunc ossium pelvis secessio a se invicem toties in gravidis observata Dn. SIGAULTIO occasionem dedit, sectionem cartilaginis inter ossa pubis immissæ sectioni Cæsar. substituendi eo in casu, quo hæc inevitabilis videbatur propter nimis arctam pelvis compagem; quodque inventum Anno 1768. Academiæ Chir. Paris. proposuit *k*), ubi ostendit: quod hujus sectionis ope pubis ossa a se invicem diduci valeant ad pollicis distantiam, id, quod sæpius expertus fuisset in puerperis defunctis: Objiciebatur autem tum temporis Dn. SIGAULT. 1) Unius pollicis distantiam non sufficere ad pelvim nimis arctam dilatandam eo in casu, quo sectio Cæs. necessaria esset. 2) Admodum adhuc dubium esse, num pubis ossa rursus inter se invicem coalescant Displicuit itaque hæcce res ut oppido exotica, multosque nacta adversarios, tandem rejecta fuit. Huncce eventum Cel. Louis Secretarius Academiæ perpetuus Dn. CAMPERO Profess. Medicinæ honorario perscripsit *l*), quibus literis acceptis Cel. CAMPERUS magno perfusus fuit gaudio, sperans, fore, ut tali operatione miseras parturientes nec non infantes cum certitudine servari possent. Institutis autem experimentis *m*) nullus amplius dubitans de dilatatione pelvis, maxime de ea quæstione erat sollicitus *n*), num pubis ossa

---

*k*) ALPH. LE ROY *Recherches historiques & pratiques sur la section de la symphys du pubis*, pag. 10.

*l*) PETRI CAMPERI *Epistola ad DAVIDEM VAN GESSCHER de Emolumentis sectionis synchondroseos ossium pubis in partu difficili*. 1771. pag. 124. seq. Annexa est hæc epistola dissertationi Camperianæ de *Emolumentis & optima methodo infitionis variolarum*, Groning. 1774. 8.

*m*) CAMPERI citata epistola pag. 141.

*n*) CAMPERI epistola cit. pag. 171.



inter se invicem rursus conglutinentur, quam quæstionem autem experimento in sue instituto expedivit o).

Cel. CAMPERUS autem p) hancce synchondroseos os-  
sium pubis sectionem in arctis & male conformatis pel-  
vibus, vel ubi magnæ sunt exostoses, qualem PINÆUS q)  
mortem foeminæ Parisiis attulisse observat, non propo-  
suit; sed quemadmodum valde perspicue determinavit,  
in iis solummodo casibus, ubi caput infantis incuneatum  
est intra bene formatam & naturaliter constitutam pel-  
vim, in quibus Chirurgus foetum destruere cogitur, ad  
servandam matrem, vel sectionem Cæsar. instituere.

Dn. SIGAULT autem ulterius processit, eamque opera-  
tionem in difformi etiam pelvi instituendam esse censuit,  
quare etiam sibi proposuit, prima data occasione hujus  
sectionis periculum facere, id, quod etiam anno præter-  
lapso 1777 in militis uxore nomine SOUCHOT, exequu-  
tus fuit, quæ operatio per omnem fere terrarum orbem  
tanta divulgata fuit fama, ut tum temporis fere de nulla  
alia re sermo fuisset, quam de hac feliciter instituta ope-  
ratione.

## §. XXVI.

Nova autem hæcce operandi methodus tam feliciter  
suscepta, tantoque cum successu instituta animum addi-  
dit Dn. SIBOLDO, Med. Doct. Anat. & Chir. Professori  
in Universitate Herbipolitana Celeberrimo, ut hancce  
operationem in foemina quadam 35 fere annorum insti-  
tuerit, quæ jamjam septem foetus mortuos edidit. Nec  
non etiam Dusselopoli eadem instituta fuit operatio a M.  
B. GUERARD Prof. publ. Anatom. Chir. & artis obst. dex-

---

o) lib. cit. pag. 138.

p) lib. cit. pag. 172.

q) PINÆUS *Opuscul. phys. & anat.* Lib. II. Cap. 5. pag. 109.



terrime in foemina quadam nomine LANGENS, quæ prima vice erat gravida.

### §. XXVII.

Ut autem de hacce operatione justum ferre queamus judicium, probe considerandum perpendendumque est, qua ratione relaxatis ligamentis pelvis ossa connectentibus pelvis dilatetur, num secedentibus a se invicem pubis ossibus pelvis in tota sua circumferentia æquabiliter augeatur? num ea præcipue in parte dilatetur, qua dilatatione maxime est opus?

### §. XXVIII.

Quod si autem compagem ossium pelvis contempleris, si conjunctionem ossium pelvim constituentium accurate lustras, si ligamentorum situm & decursum attente perpendis, non difficile erit de vera pelvis dilatatione sectione pubis facta justum ferre judicium.

### §. XXIX.

Adsunt enim in conjunctione ossium pubis æque ac in synchondrosibus sacro - iliacis ligamenta a superioribus deorsum decurrentia, quæ pelvis ossa continent atque connectunt, præcipue autem eo inserviunt, ne pubis ossa nimis sursum deorsumve aut ossa ilium supra os sacrum moveri queant, hæcce autem ligamenta quandoque adeo relaxantur diducunturque, ut etiam ossa coxendicis ambulando sursum protrudantur, claudicationesque excitentur, ac si femur luxatum fuisset r).

### §. XXX.

Præter hæcce ligamenta, quæ longitudinalia salutare

---

r) DEVENTER *novum lumen obstetr.* Cap. III. §. 3. pag. 18.



poteris, reperiuntur adhuc ligamenta transversalia, quorum officium est, ossa pelvis valide continere & conjungere, ne adeo facile a se invicem secedant atque in latera diducantur. Hisce enim relaxatis ligamentis tam ossa pubis a se invicem, quam ossa coxendicis ab osse sacro in latera cedunt. Hinc PINÆUS s): *virgines*, ait, *quæ corpus quidem junceum, hypogastrium & ilium utrumque valde angustum habent, quæ si nubunt, gravidaque sunt, iis ilia distenduntur, hypogastrium amplius fit, nates & ossis sacri regio latiores apparent, maxime vero, quando partus tempus accedit. Unde etiam pronum est colligere, quod pelvis cavitas lateraliter augmentum capiat, inque latera diducatur.*

### §. XXXI.

Sunt quidem, qui contendunt, pelvim etiam ab anterioribus retrorsum dilatari, i. e. in diametro recta, relaxatis nimirum ligamentis posticis, quo facto nempe sacrum os retrocedit t).

### §. XXXII.

Sunt alii, qui putant, rectam diametrum per elongationem cartilaginum, quarum ope ossa ilium cum sacro committuntur, elongari u), dum conjunctionem sacro-iliacam non recta linea fieri asserunt, sed curva, ita ut convexa ejus pars regionem pubis spectet, quo facto dein elongatis cartilaginum fibris ex omnibus convexæ cartilaginis punctis ilium ossa antrorsum divergerent, ita

---

s) SEVER. PINÆI *Opusculum phys. & anatom.* Lib. II. Cap. 6. pag. 174.

t) DEVENTER lib. cit. Cap. III. §. 3. pag. 18. PEU *Pratique des Accouch.* Liv. 1. Chap. 12. §. 12. pag. 186.

u) LODER *de Synchondroseos ossium pubis sectione in partu difficili instituenda*, Gotting. 1778. pag. 26. 27. 28.





ut conjugata major fieret: Quivis autem, qui juncturam sacro-iliacam paulo accuratius lustrat, statim videbit, quod, licet etiam cartilagines dilatarentur & intumescerent, ossa ilium tamen non antrorsum divergant, sed potius in latera protruduntur. Præterea tanta etiam vis cartilaginibus hisce tenui solummodo crusta ossa obducentibus inesse haud potest, ut ossa ad insignem distantiam a se invicem dimovere valeant, prouti observatum fuit; potius vero a relaxatis ligamentis hæcce ossium secessio deducenda est, quippe quæ ligamenta ab affluenti humorum copia irrigata, relaxantur, ita ut a pondere intus in pelvi contento & supra pelvis ossa gravitante sensim sensimque diducantur atque distendantur, unde dein pelvis ossa a se invicem secedunt, & quandoque ad pollicis fere distantiam a se invicem separata reperiuntur x) id, quod præcipue contingere valet in foeminis, quæ laxioris sunt habitus. Pubis ossa discisso annulo ligamentoso hæcce ossa conjungente jamjam separata reperit WEITBRECHT y).

### §. XXXIII.

Ex structura compagis ossium pelvim constituentium explicanda etiam sunt, quæ sectione synchondro-seos ossium pubis facta in pelvi observantur; & quidem mirum non est, quod ossa pubis facta sectione sponte a se invicem ad aliquot lineas secedant, discissis enim ligamentis pubis ossa connectentibus, posteriora ligamenta ossa ilium cum sacro connectentia sese contrahunt atque constringunt, extremitates itaque ossium coxendicis supra os sacrum prominentes propius ad sacrum os attrahunt atque adducunt, quo facto dein pubis ossa necessa-

---

x) SMELLIE lib. cit. Vol. II. pag. 6.

y) WEITBRECHT *Syndeomologia* Sect. 4: §. 50. pag. 131.





rio a se invicem ad aliquot lineas secedunt: Verum quidem est, quod pubis ossa vi extus applicata ad maiorem adhuc distantiam diduci valeant, in ea ratione autem, qua pubis ossa a se invicem secedunt, ossa ilium etiam ab osse sacro separantur, eo præcipue in loco, quo synchondrosis sacro-iliaca in pelvis cavo sub lineæ albæ forma apparet, ita ut ligamentum illud orbiculare hancce synchondrosin in pelvis cavo obducens distendatur quam maxime, tandemque rumpatur.

Licet autem pubis ossa ad distantiam sesquipollicis imo etiam ad duos pollices a se invicem diducantur, ab osse sacro tamen parum aut fere nihil divergunt, ita ut conjugata eadem fere maneat, aut ad summum ad duas, tres quatuorve lineas augeatur. Quod si enim diameter hæce augmentum capere deberet, tunc aut arcus, quos ossa innominata efformant, diduci & distendi deberent <sup>2)</sup>, ut pubis ossa longius a sacro distent; aut ossa innominata antrorsum trahi deberent, ita ut supra latera ossis sacri antrorsum gliscant, supraque sacrum os promineant: At utrumque in pelvis ossibus locum non habet; nam licet quidem insignis humorum copia versus pelvim affluat, licet ligamenta cartilaginesque paululum mollescant, ossa tamen mollitiem non admittunt, hinc diductio arcuum ossium innominatorum nulla est. Quod autem diductionem ossium innominatorum anteriora versus attinet, hæc itidem locum non habet, ossa ilium enim tali modo ossi sacro juncta sunt, atque robustissimis validissimisque firmata ligamentis, ut hæcce ligamenta potius rumperentur, plenariaque dislocatio contingeret, quam ut ossa innominata supra sacrum os antrorsum trahi possent.

#### §. XXXIV.

Ex dictis patet, pelvis cavitatem antrorsum parum

---

2) LE ROY lib. cit. pag. 14.



aut fere nil augeri, ubi tamen præcipue augmento opus esset, lateraliter autem dilatari ea in ratione, qua pubis ossa a se invicem diducuntur. Assertum hocce exemplo illustrabo: En circinum, cujus crura quidem non recta excurrunt linea, sed ad se invicem incurvata sunt, ita ut hæcce crura lineam ellypticam describant; quod si hujus circini crura adaperiuntur, atque a se invicem diducuntur, apertura inter crurum extremitates major minorque fieri valet, at distantia, quæ est inter extremitates crurum eorumque juncturam semper eadem manet. Sic in ossibus pelvis dissectis & diductis pubis ossibus transversa diameter augetur non ita autem conjugata.

### §. XXXV.

Quæ superius sunt dicta, per experimenta in'cadaveribus humanis instituta confirmantur. Ut vero res clarior pateat, experimenta apponam, tam quæ ab aliis fuere instituta, qui in sectionis synchondroscos ossium pubis utilitatem accuratius inquisivere, tam ea, quæ hicce locorum instituere a Celeberrimo LOBSTEIN, Med. Doct. Anat. & Chirurg. P. P. O. potestas mihi data fuit. Quibus experimentis deïn subjungam duas operationes sectionis synchondr. in parturientibus institutas.

### §. XXXVI.

Experimenta sequentia capta fuere Lutetiæ Paris. in Nosocomio dicto *Hôtel de Dieu* a).

Pollices sunt Rhen.

I. Diametri naturaliter sic sese habebant.

Recta =  $3\frac{7}{8}$  Transversa =  $4\frac{6}{8}$ .

Post

---

a) RIPPING. diss. sistens quasdam de pelvi animadversiones. Lugd. Batav. 1776. pag. 39. seq.



Post synchondroseos divisionem, haud multa adhibita opera, distantia ossium pubis erat =  $\frac{1}{2}$  poll. & diametri erant sequenti modo.

Recta = 4. transversa = 5.

Post dilatationem =  $1\frac{1}{4}$  poll.

Recta = 4 p.  $1\frac{1}{3}$  lin. transv. = 5 poll.  $1\frac{1}{2}$  lin.

II. Diametri ante divisionem.

Recta =  $4\frac{1}{8}$  transversa = 5.

Post dilatationem =  $\frac{1}{2}$  poll.

Recta = 4 poll.  $1\frac{1}{2}$  lin. transv. =  $5\frac{3}{8}$ .

Post dilatationem = 1 poll.

Recta =  $4\frac{2}{8}$  transversa =  $5\frac{5}{8}$ .

III. Hocce experimentum institutum fuit in cadavere vetulae, tantaque vis adhibita, ut os sacrum digiti fere distantia insigni cum crepitu ab osse innominato secessum fecerit, atque obtenta fuit dilatatio =  $1\frac{6}{8}$  poll.

Diametri naturaliter sic sese habebant.

Recta = 4 p.  $3\frac{1}{2}$  lin. transv. = 5.

Post dilatationem =  $1\frac{6}{8}$  poll.

Recta =  $4\frac{5}{8}$  transversa  $5\frac{6}{8}$ .

IV. Institutum fuit in foemina a partu extincta.

Facta sectione pubis ossa sponte secedebant  $2\frac{1}{2}$  lin.

Cruribus diductis distantia erat =  $1\frac{1}{8}$  poll.

Majore vi adhibita = 1 poll.  $3\frac{1}{3}$  lin.

Abdomine aperto =  $1\frac{5}{8}$  poll.

Majore tunc vi adhibita =  $1\frac{6}{8}$  poll.

Ossibus pubis ad se adductis diametri naturales erant.

Recta =  $4\frac{1}{4}$  transversa =  $5\frac{3}{8}$ .

Post maximam dilatationem =  $1\frac{6}{8}$  poll.

Recta = 4 poll.  $2\frac{2}{3}$  lin. aut ad summum =  $4\frac{3}{8}$  poll. transv.  $6\frac{2}{8}$ .

V. In foemina brevi post partum mortua. Symphysis erat mobilis ad duas fere lineas.



Recta =  $3\frac{1}{2}$  poll transversa =  $4\frac{1}{4}$ .

Post sectionem absque ulla vi adhibita dilatatio  
fuit =  $1\frac{1}{2}$  poll.

Recta = 3 poll.  $5\frac{1}{3}$  part. lin.

Transversa =  $4\frac{6}{8}$ .

Majore vi adhibita, distantia erat inter ossa pu-  
bis =  $2\frac{1}{4}$  poll.

Recta =  $3\frac{6}{8}$  transversa =  $5\frac{1}{4}$ .

Hæcce experimenta autem instituta fuere ratione aper-  
turæ superioris & præcipue ratione diametri rectæ, quippe  
quæ omnium frequentius reperitur vitiata, quando nimi-  
rum ultima lumborum vertebra cum superiore ossis sacri  
extremitate antrorsum nimis prominet, atque cum spina  
dorsali angulum acutum efformat, hinc etiam hicce lo-  
corum præcipue caput foetus frequentissime retinetur,  
nec transitum suum per pelvim perficere valet, ita ut  
quandoque per vias naturales impossibilis plane fiat partus.

### §. XXXVII.

En nunc alia experimenta, in theatro anatomico Ar-  
gentinenfi instituta, quæ mutationes proponunt dimen-  
sionum tam aperturæ superioris quam inferioris.

Pollices sunt Parisini.

I. Foemina 24 circiter annorum, mortua 5to mense gra-  
viditatis.

Mobilitas ossium pelvis haud obscura erat.

Mensuræ ante sectionem erant sequentes.

Spissitudo synchondroseos ossium pubis erat = 5 lin.

Diametri in apertura superiori.

Recta = 3 poll.  $9\frac{1}{2}$  lin.

Transversa = 5 poll. 1 lin.

Obliqua = 4 poll. 10 lin.

donat





In apertura inferiori.

Recta = 3 poll. 10 lin.

Transversa = 4 poll.

Post sectionem hiatus ossium pubis spontaneus erat  
= 6 lin.

Levi distractione = 1 poll.  $\frac{1}{2}$  lin.

Summa distractione = 1 poll. 9 lin.

Mensuræ tunc erant in apertura superiori.

Recta = 3 poll. 10 lin.

Transversa = 5 poll.  $3\frac{1}{2}$  lin.

Obliqua = 5 poll.  $\frac{1}{2}$  lin.

In apertura inferiori.

Recta = 4 poll. 1 lin.

Transversa = 4 poll. 6 lin.

II. Diametri ante divisionem sic sese habebant.

In apertura superiori.

Recta = 4 poll.

Transv. = 4 poll. 11 lin.

In apertura inferiori.

Transversa = 3 poll. 9 lin.

Post sectionem secessus ossium pubis spontaneus erat  
= 3 lin.

Levi diductione = 7 lin.

Valida diductione femor. = 1 poll. 3 lin.

In apertura sup. erat tunc

Recta = 4 poll. 1 lin.

Transversa = 5 poll. 5 lin.

In apertura inferiori

Transversa = 4 poll. 8 lin.

III. Mensuræ naturales erant in apertura superiori.

Recta = 4 poll. 3 lin.

Transversa = 5 poll.

In apertura inferiori.

Transversa = 3 poll. 3 lin.

Facta sectione secessus spontaneus erat = 4 lin.

Diductis femoribus secessus ossium pubis erat  
= 1 poll. 3 lin.

Mensuræ tunc erant in apertura superiori.

Recta = 4 poll. 4 lin.

Transversa = 5 poll. 3 lin.

In apertura inferiori.

Transversa = 4 poll. 1 lin.

IV. In foemina 22 circiter annorum, sexto fere mense graviditatis, hydrope mortua statim post mortem sectio Cæsarea instituebatur, foetus autem jamjam mortuus extrahebatur; quo facto dein symphyisin ossium pubis lustrando, eorum ossium mobilitas clare observabatur.

Facta nunc sectione ossium pubis absque ulla læsione partium subjacentium, pubis ossa sponte a se invicem secedebant 4 lin.

Levi femorum diductione ad 1 poll. 4  $\frac{1}{2}$  lin.

Majori diductione = 2 poll. 4 lin.

Partes tunc subtus jacentes in extremo fissionis periculo versabantur.

Aperto cadavere diametri naturales pubis ossibus ad se invicem adductis tales erant.

In apertura superiori.

Conjugata = 3 poll. 9 lin.

Transversa = 5 poll. 1 lin.

Obliqua = 4 poll. 8 lin.

In apertura inferiori.

Transversa = 3 poll. 11 lin.

Diductis pubis ossibus ad 2 poll. 3 lin.

Diametri tunc sic sese habebant.

In apertura superiori.

Conjugata = 4 poll.

Transversa = 5 poll. 6 lin.

Obliqua = 5 poll. 6 lin.



In apertura inferiori.

Transversa = 4 poll. 11 lin.

Diductis pubis ossibus ad 3 poll.

Diametri erant in apertura superiori.

Conjugata = 4 poll. 3 lin.

Transversa = 5 poll. 9 lin.

In apertura inferiori.

Transversa = 5 poll. 3 lin.

Disruptæ autem tunc reperiiebantur hinc inde partes molles arcui ossium pubis subjacentes, nec non etiam membrana illa ligamentosa synchondrosin sacro - iliacam intus in pelvis cavo obvolvens.

V. Institutum fuit in puerpera octavo die post partum mortua.

Diametri naturales erant sequentes.

In apertura superiori.

Conjugata = 3 poll. 10 lin.

Transversa = 5 poll. 3 lin.

In apertura inferiori.

Transversa = 4 poll. 6 lin.

Facta sectione, diductisque pubis ossibus ad 1 poll.

Conjugata erat = 3 poll. 11 lin.

Transversa = 5 poll. 8 lin.

In apertura inferiori.

Transversa = 5 poll. 4 lin.

Diductis pubis ossibus ad  $1\frac{1}{2}$  poll.

Conjugata erat = 3 poll.  $11\frac{1}{2}$  lin.

Transversa = 5 poll. 9 lin.

In inferiori apertura.

Transversa = 5 poll.  $8\frac{1}{2}$  lin.

Diductis pubis ossibus ad 2 poll.

In apertura superiori.

Conjugata erat = 4 poll. 1 lin.

Transversa = 5 poll. 10 lin.



In apertura inferiori.

Transversa = 5 poll. 11 lin.

Remotis pubis ossibus ad  $2\frac{1}{2}$  poll.

In apertura superiori erat:

Conjugata = 4 poll. 2 lin.

Transversa = 6 poll. 2 lin.

In inferiori apertura.

Transversa = 6 poll. 4 lin.

Ossa innominata pro ratione diductionis ossium pubis etiam ab osse sacro in antica sui parte secedebant seseque ab illo separabant.

# VI. In corpore foeminæ defunctæ.

Diametri naturales in apertura superiori.

Conjugata = 3 poll. 9 lin.

Transversa 4 poll. 4 lin.

In apertura inferiori.

Transversa = 3 poll. 3 lin.

Facta sectione secessus spontaneus ossium pubis erat = 3 lin.

Diductis pubis ossibus ad 1 pollicem.

Conjugata erat = 3 p. 10 lin.

Transversa = 4 poll. 10 lin.

In apertura inferiori.

Transversa = 3 poll. 11 lin.

Diductis pubis ossibus ad  $1\frac{1}{2}$  poll.

Conjugata = 3 poll. 11 lin.

Transversa = 5 poll.

In inferiori apertura.

Transversa = 4 poll. 4 lin.

Distantia pubis ossium 20 lin.

In apertura superiori erat.

Conjugata = 4 poll.

Transversa = 5 poll. 2 lin.



In apertura inferiori.

Transversa = 4 poll. 6 lin.

Diductis pubis ossibus ad 2 poll.

Conjugata = 4 poll. 1 lin.

Transversa = 5 poll. 4 lin.

Transversa inf. = 4 poll. 8 lin.

Pubis ossibus ad  $2\frac{1}{2}$  poll. distantibus.

Conjugata = 4 poll. 1 lin.

Transversa = 5 poll. 7 lin.

Transversa inf. = 5 poll.

### §. XXXVIII.

Quod si autem hæcce experimenta inter se invicem comparantur & conferuntur, clare liquet; quod pelvis capacitas sectionis synchondr. ope ampliatur quidem; at non in tota sua circumferentia æquabiliter, quodque recta diameter aperturæ superioris, cujus dilatatione maxime opus esset, aliquot solummodo lineolis augeatur: quod autem diametrum attinet transversam, hæc augetur tam in superiori quam inferiori apertura: id, quod etiam ex structura & conjunctione ossium patet, diductis enim pubis ossibus, ossa innominata in latera cedunt, hinc transversa elongatur diameter: ossa pubis autem eandem fere distantiam a promontorio ossis sacri servant; nam nec os sacrum retrorsum cedere valet, nec ossa innominata antrorsum procedunt, supraque os sacrum antrorsum gliscunt.

Raro etiam transversa diameter partum impedit, nisi & rectæ arctitudo accedat; licet enim in vitiatis pelvibus arcus ossium pubis quam maxime introrsum pellatur, transversa tamen fere semper 5 pollices æquat.

### §. XXXIX.

Ex dictis itaque patet, quod in illo casu, ubi recta

aperturæ sup adeo discrepat a diametro transversali capitis foetus, ut hoc illam aperturam permeare nullatenus valeat, quod tum temporis inutile sit, sectionem synchondroseos ossium pubis sectioni Cæsareæ substituere. Si quis autem sectioni synchondroseos ossium pubis maxime favens, eandem tamen institui posse contenderet eo in casu, ubi aliquot solummodo lineolis opus esset, quippe nimirum conjugata aliquantisper tamen augetur; ei incumberet præprimis, discrepantiam caput foetus inter & conjugatam accuratissime determinare: quis autem obstetricantium tactu determinabit? tali in casu duarum aut trium modo linearum differentiam inter diametrum foetus capitis & diametrum rectam locum habere.

#### §. XL.

Id, quod per experimenta in mortuis capta evictum est, etiam per duas sectiones in vivis institutas comprobatur, confirmaturque.

Binæ operationes institutæ fuere in parturientibus, quarum pelves adeo erant angustatæ, ut conjugata nullatenus caput foetus transmittere potuerit, ita ut sectio Cæs. unicum remedium superesse videretur, cujus ope nimirum mater a foetu liberari, atque utriusque vita conservari posset.

Quum vero sectio synchondr ossium pubis in tali etiam casu Lutetiæ fuisset instituta, ubi itidem conjugata aperturæ sup. nimis angustata reputabatur, quam ut foetus vivus per illam transire potuisset, quumque tanto cum successu illam institutam fuisse perhibuissent; hinc uterque operator eo fuit adductus, ut eandem etiam tentaret, ne coacti essent, sectionem Cæsaream adeo crudelem periculisque plenam operationem instituere.

#### §. XLI.



§. XLI.

Quid autem in hisce operationibus observatum fuerit, num sectio synchondr. opinioni, quam de pelvis dilatatione hujus sectionis ope tenuere, responderit, num vero absque fructu fuerit, paucis enarrabo verbis.

§. XLII.

Prima operatio facta fuit ab Cel. SIBOLDO, Med. Doctore, Anat. & Chirurg. Professore in Universitate Heribopolitana Clarissimo, qui de hacce operatione litteras misit Exc. atque Exper. LOBSTEIN, Med. D. Anatom. & Chir. P. P. O. Celeberrimo, Fautori atque Præceptoris meo omnem ætatem colendo, qui pro magno suo in me favore & benevolentia, qua nullo non tempore me prosequutus fuit, hacce litteras mecum communicavit.

Hancce operationem nempe subiit pridie Nonar. Febr. 1778 foemina quædam 35 fere annorum, quæ jamjam septem foetus mortuos in lucem ediderat, quæque in infantia rachitica labe fuit tacta. Reperiebatur autem extus ea in regione, ubi ultima lumborum vertebra cum summitate ossis sacri est connexa, admodum notabilis depressio, intus autem explorationis ope animadvertebatur insignis quædam protuberantia versus pubis ossa prominens eo in loco, ubi ultima lumborum vertebra cum sacro est conjuncta, ita ut conjugata a pubis ossibus ad sacrum fere sesquipollice justo angustior reperiretur; licet quidem hancce dimensionem adeo accurate determinare haud potuerit operator, pelvis tamen adeo erat coarctata, ut pateret facile, foetum vivum illam angustiam permeare haud posse, multo minus versionis aut forcipis ope extrahi. Incipientibus autem sensimque ingravescentibus veris partus doloribus quarto post aquarum effluxum die uteri orificium yix adhuc erat adapertum, nec etiam pro dolorum



ratione dilatabatur, asseverante autem matre ambabusque obstetricibus foetum adhuc in vivis esse, instituebatur sectio synchondr. ossium pubis; divisa superiori parte cartilaginosa - ligamentosa inopinato scalpellum incidebat in partem osseam, quæ pars ossea dein ferra discrimi-  
nanda erat, id, quod etiam optimo cum successu fuit peractum, maximaque adhibita cautela, ne vesica reli-  
quæque arcui pubis subjectæ partes læderentur. Facta nunc sectione pubis ossa ne quidem 6 lineas sponte a se invicem secedebant, quamobrem femora diducenda erant, ut spatium inter pubis ossa augeretur, quo facto pubis ossa magis quidem a se invicem secedebant, at ad eam solummodo distantiam, ut vix digitus index illi inter-  
vallo immitti potuerit, denuo itaque iteranda erat femo-  
rum diductio, cujus ope spatium inter pubis ossa paulo magis augebatur, quodque spatium pollicem & aliquot lineas æquabat; majorem autem diductionem femora non admittebant. Orificium uteri tunc apertum solummodo reperiiebatur, ut digitum indicem admiserit, dilatato au-  
tem sensim sensimque orificio, loco capitis humerum prævium reperiabat operator, manibus ad pedes delatis, iisque multo cum negotio extractis, decedente epider-  
mide foetum jamjam mortuum offendeat: ad caput au-  
tem extrahendum quum perventum fuisset, en nova sur-  
rexerunt obstacula, difficillimo enim negotio capitis ex-  
tractio absolvebatur, ossa cranii valida vi erant compri-  
menda, ut pelvis angustias superare potuerit caput, compressioque capitis tanta erat adhibenda, quantam ad-  
hibere ausus non fuisset Cel. SIBOLDUS si foetus adhuc in  
vivis fuisset.

Finita sectione nulla circa pelvimolvebatur fascia ad conjungenda ossa dissecta, abdomen enim dolorifice distentum uterusque nondum contractus tumidusque con-  
junctioni ossium pubis obstaculo erant, quare foemina



lecto componebatur prouti ipsi maxime commodum erat, vulnus linamentorum carptorum ope deligabatur.

Quod nunc sequelas attinet, quæ hancce operationem fuerunt sequutæ, en tali ratione sese habebant.

Per sex dies ægra pleno alveo urinam per urethram mittebat, febris inflammatoria admodum erat vehemens, quam ob rem venæsectio quatuor vicibus erat reiteranda, adhibitis clysmatibus antiphlogisticis, fomentationibusque applicatis emollientibus: quo facto dein vulnus bonam suppurationis materiem fundebat. Die 8vo autem urina magna copia ex vulnere prorumpebat, nilque amplius per urethram promanabat, unde suspicati fuere, urethram inflammatione correptam, eamque gangræna affectam esse, atque escharam sphacelofam sese separasse, quam suspicionem adhuc confirmarunt gangrænosa frusta membranacea per vulnus exeuntia, institutis nempe ope canulæ eburneæ in vesicæ cavum injectionibus. Effluxis aliquot hebdomadibus plaga fistulosa eo fuit redacta, ut ægra urinam retinere valeret, tum temporis solummodo aliquot guttulæ per vulnus paululum adhuc fistulosum effluebant, quando vesica urina repleta ad contractionem incitabatur. Tertia ab operatione facta hebdomade pedibus insistere inque conclavi obambulare valebat, septima hebdomade in publicum prodibat, nec ullum amplius motum in pelvis ossibus sentiebat, qualem tamen 3<sup>ta</sup> & 4<sup>ta</sup> hebdomade animadvertibat, quum pedibus insistere atque obambulare tentaret. Per totum curationis tempus nunquam de dolore in synchondrosibus sacro-iliacis querebatur ægra, id, quod mirum est, quippe pubis ossa magna vi diducenda erant, multumque pertimescendum erat ratione harum synchondrosium. Licet autem operatio hæcce optime successerit, nec foeminam lætho dederit, ea tamen ab omni parte non fuit beata; nam licet foemina eum in statum sit perducta, ut munere suo fungi valeat,



reique suæ familiari præesse, plaga tamen ipsi inflictæ elapso etiam integro fere anno nondum penitus est consolidata, fistulosa adhucdum est, atque varia officula, quorum quædam non parvi erant momenti, successu temporis ab ossibus pubis sese exfoliarunt.

### §. XLIII.

Alteram operationem, quæ tristem admodum nacta fuit eventum, subiit Dusselopoli V Id. Maji 1778 fœmina quædam nomine *Langens* 37 fere annorum, prima vice gravida, quæ infans a rachitica labe valde fuit vexata, unde pelvis ejus admodum erat difformis pedesque incurvi. Ingruentibus tunc nono graviditatis mense partus doloribus, durantibusque iisdem absque fructu per duos dies, Cel. GUERARDUS Doct. Med. Prof. pub. Anatom. Chir. & artis obst. in auxilium vocatus, explorationis ope inferiorem pelvis aperturam bene conformatam reperiebat, superiorem autem admodum complanatam, ita ut conjugatam duobus pollicibus haud majorem æstimaret *b*). Uteri orificio alte adhuc hærente satis molli & aperto, foetus caput prævium erat, multum incumbens pubis ossibus, juxta futuræ sagittalis decursum facies respiciebat latus dextrum matris. Convictus ex pelvis angustia de impossibilitate foetum vivum per vias naturales extrahendi sectionem Cæsaream aut illam synchondr. ossium pubis proposuit *c*), quippe nimirum una harum operationum in tali rerum statu indicata esset. Antequam autem ad hæcce extrema sese accingerent, unus adstantium foetus versionem adhuc possibilem autumans eandem tentabat,

---

*b*) *Exposé du cas pour lequel la section de la symphyse des os pubis fut faite à Dusseldorf le 11 Mai 1778 par M. B. GUERARD*, pag. 2. 3.

*c*) GUERARD lib. cit. pag. 5.



spe autem sua deceptus per quinque horarum spatium multum defudans incassum laborabat; licet quidem unum pedem proxime ad aperturam superiorem hærentem attraxisset, omnis tamen opera fuit perdita. Quo facto dein sectionem synchondroseos ossium pubis adhuc dum suaserunt, quæ etiam arridebat omnibus, quippe parturiens viribus adhuc pollebat: decreta itaque sectio synchondr. præparatis omnibus ad hancce sectionem necessariis, instituebatur a Clar. GUERARDO maxima cum cautela, absque ulla læsione alicujus partis non lædendæ. Sub operatione ramus quidem arteriæ pudendæ externæ dissectus sanguinem magna copia fundebat, qui autem applicato digito statim cessabat *d*). Inciso autem annulo ligamentoso ab antica sui parte pubis ossa jamjam separata animadvertiebantur *e*), secedebantque a se invicem aliquo cum crepitu, ita ut intervallum inter pubis ossa sesquipollicem æquaverit *f*). Diductis itaque ad sesquipollicem pubis ossibus, protractoque in vaginam uno pede alter erat quærendus, id, quod autem impetrare haud potuerant, manus enim introductio in uteri cavum adhucdum impossibilis erat, quamobrem solius pedis extracti ope foetus versionem tentarunt; quod etiam incassum erat, quippe foetus caput semper immotum manebat: ut autem introitum in uteri cavum sibi compararent, solvere tentarunt femur ab ipso trunco, ut nempe apertura superior ab illo liberaretur, atque manui introducendæ spatium concederetur, cumque femur a trunco abscedere deberet, crus a femore sese separabat, ita ta-

*d*) GUERARD lib. cit. pag. 10.

*e*) Brinkmanns Bemerkung über die neuerdings vorgeschlagene und an einer Kreissenden verrichtete Operation der Durchschneidung der Symphyse der Schaam, Weinen. Düsseldorf 1778. p. 9.

*f*) GUERARD lib. cit. pag. 11.



men ut femur in uteri cavum refundi potuerit *g*): quo facto tunc omnia in vado esse putarunt, dum manum per aperturam superiorem nunc facili negotio ad alterum pedem usque demittere potuerunt, sperarunt fore ut operationi cito finem imponere, partumque absolvere possent, at etiam hæc spes fefellit, uteri enim contractiones tanta urgebant vi, ut manum obstupefactam quasi retrahere coacti fuerint. Quod autem manum in uteri cavum nunc demittere potuerint, non censendum est, ac si pubis ossa a sacro antrorsum remota, conjugataque elongata fuisset, sed id inde factum, quod eminentia a dorso pollicis formata intra pubis ossa a se invicem remota collocabatur *h*), spe sua itaque decepti tentarunt adhuc forcipis applicationem *i*), at itidem frustraneam, foetus enim capite nimis alte & oblique in pelvi adhuc hærente.

In tantis rerum angustiis ad ultimum tandem confugerunt remedium, perforarunt nimirum cranium magno quidem cum negotio *k*), effluente cerebro cranium paululum magis descendebat, unci applicatio locum non habebat nec non etiam forceps, & licet quidem ossa quædam a cranio abripiebantur, caput tamen semper manebat immotum.

Deficientibus autem versus vesperam matris viribus lecto componebatur ægra, quo etiam paululum reficiebatur; noctu autem dum aliquid in vaginam descendere sentiebat, chirurgus tum temporis vigilias agens, accessit ad illam, caputque descendere animadvertens, foetum mediocris magnitudinis extraxit, insequentibus sponte sua

---

*g*) GUERARD lib. cit. pag. 12.

*h*) GUERARE lib. cit. pag. 13.

*i*) BRINKMANN lib. cit. pag. 10.

*k*) GUERARD lib. cit. pag. 14.



secundinis 1). Et ita tandem finita fuit hæcce operatio.

Fœmina dein operatione finita vitam adhuc trahebat per decem dies, quibus effluxis animam exspiravit. Admodum erat debilis & defatigata per decem hosce dies; venter mox magis mox minus erat tumidus turgidusque. Pulsus erat debilis & frequens. De lochiis parum aut fere nihil promanabat. Ægra vexabatur singultu, tussis, quæ ab initio sicca erat, humida tandem evadebat. Quarto die suppurationis materiem fundere incipiebat plaga. Urina, quæ involuntarie destillabat, sexto die retinebatur.

Deligationis apparatus admodum laxè erat applicandus, nec etiam pubis ossa penitus ad se invicem adduci potuerunt, quod si enim fascia paululum firmitus adstringebatur, graves admodum dolores in plaga sentiebat ægra m). Respirationis difficultas sensim ingravescebat, expectoratio evadebat admodum difficilis, ita ut tandem tantis vexata doloribus, tantisque oppressa ærumnis e vita decesserit n).

Aperto cadavere secundo post mortem die interval- lum inter pubis ossa repèrindum, atque sesquipollicem æquans, aliqua ex parte quædam vesicæ portio occupabat, quæ lividi coloris erat prouti etiam plaga; intestina aëre admodum erant distenta atque turgida, atque ea, quæ in viciniis uteri hærebant maculis fuscis erant obfessa o).

Uterus contractus parvum offerebat ulcus sinistro in latere, paululum sub vaginæ connexionè cum uteri collo, materiesque purulenta effusa hærebat in pelvis cavo.

1) GUERARD lib. cit. pag. 16.

m) GUERARD lib. cit. pag. 21.

n) GUERARD lib. cit. pag. 27.

o) GUERARD lib. cit. pag. 29.



Aperto dein thorace pulmones animadvertiebantur turgidi, sanguineque admodum repleti, colorem hepatis æmulantes *p*).

Pelvis diametri nunc accuratius lustrari valebant, & quidem conjugata naturalis erat =  $2\frac{1}{2}$  pollicum Paris. eadem diameter ducta a promontorio ossis sacri ad pubis ossa a se invicem remota duabus solummodo lineis erat major *q*), transversa diameter 6 poll. Paris. & 2 lin. æquabat. Synchrondroses sacro-iliacæ erant separatæ admodumque mobiles; illa lateris sinistri majorem admisit separationem. Ligamenta disrupta non erant. Inferior apertura nulla laborans vitio naturales servabat dimensiones *r*).

#### §. XLIV.

Ex hisce experimentis tam in vivis quam in mortuis institutis conclusio nunc facilis erit, num sectio synchrondr. ossium pubis substitui valeat Operationi Cæs. eo in loco, ubi ob nimiam pelvis angustiam sectio Cæs. inevitabilis videtur; vitium enim, quod præprimis sectionem exigit cæsaream, reperitur in nimia coarctatione conjugatæ aperturæ superioris. En in tribus illis foeminis, in quibus sectio synchrondroses sectioni Cæsareæ fuit substituta, hocce vitium in causa erat. In foemina SouCHOT æstimabatur conjugata =  $2\frac{1}{2}$  poll. *s*). In foemina Herbipolitana  $1\frac{1}{2}$  fere pollice justo minor reperiēbatur. In foemina LANGENS ad 2 solummodo pollices conjugatam æstimabant *t*).

#### §. XLV.

- 
- p*) GUERARD lib. cit. pag. 30.
  - q*) GUERARD lib. cit. pag. 32.
  - r*) GUERARD lib. cit. pag. 34.
  - s*) LE ROY lib. cit. pag. 33.
  - t*) GUERARD lib. cit. pag. 3.





## §. XLV.

Quod si nunc operatio synchondr. substitui posset sectioni Cæs.; conjugata illius ope elongari deberet, ita ut foetus caput absque periculo per illam traduci posset. Experimenta autem in mortuis capta clare demonstrant, conjugatam aliquot solummodo lineolis augeri, diductis quam maxime pubis ossibus.

Quod si autem experimenta in mortuis capta non sufficiunt, en binas observationes superius allatas, quæ abunde probant, quam parum commodi ex illa operatione redundaverit, quarum illa præcipue Dusselopoli instituta rem extra omne dubium posuit, en enim instituta operatione foetus versio incassum tentabatur, unci forcipisque applicatio, perforato licet cranio effusoque cerebro, inutilis tamen erat, quippe nimirum pelvis non eo in loco dilatabatur, quo maxime opus fuisset; aperto enim cadavere, servantibus eandem a se invicem pubis ossibus distantiam, conjugata duas solummodo lineas augebatur.

## §. XLVI.

Objiciet vero forsan quis mihi, primam operationem Lutetiæ institutam magno cum successu fuisse susceptam, matremque cum foetu servatam. Verum quidem est, hocce ibi locorum contigisse: at interrogare mihi liceat, num hæcce operatio in causa fuerit, quod foetus vivus in lucem fuerit editus? num conjugata revera  $2\frac{1}{2}$  pollices æquaverit? prouti relatum fuit *u)*: num potius majorem habuerit dimensionem, quam explorationis ope haud ita accurate determinare potuerunt? Sunt enim, qui hancce dimensionem ad 3 pollices æstimarunt. Dn.

---

*u)* LE ROY lib. cit. pag. 33.

PIET x), qui foeminam SOUCHOT, prima vice gravidam, a foetu suo liberavit, absque difficultate manu sua per pelvis aperturas in uteri cavum penetrans, versione instituta, foetum voluminosum extraxit, impossibile quidem erat ob varias circumstantias eum vivum extrahere, absque ulla tamen mutilatione absoluta fuere omnia. Pelvis diametros explorans y), transversam nullo modo vitiata, conjugatam vero naturalem suam dimensionem quidem non servantem, ad minimum tamen 3 pollices æquare reperit. In eadem etiam est sententia Cel. GUERARD, æstimans foeminæ Souchotianæ conjugatam revera 3 pollices æquare debuisse z); quippe illa diameter in foemina LANGENS ante sectionem ad 2 pollices fuit æstimata, quæ autem aperto cadavere  $2\frac{1}{2}$  æquavit. Quod si autem conjugata foeminæ SOUCHOT 3 pollices habuit, foetus tunc mediocris voluminis transire adhuc per illam potuisset, diameter enim conjugata ad minimum 3 pollices æquare debet a). Hinc etiam tanta ossium diductione opus non fuisset, prouti perhibitum fuit, quod nempe ad  $2\frac{1}{2}$  pollices usque pubis ossa a se invicem secesserint b), id, quod sane absque detrimento posteriorum synchondrosium fieri vix potest; quod enim tanta ossium diductio absque damno contingere haud possit, duæ reliquæ operationes in vivis institutæ me in hacce sententia confirmant: En enim Herbipoli multo negotio pubis ossa vix ad  $1\frac{1}{2}$  pollicem potuerunt diduci, Dusselopoli quidem hicce secessus statim, facta sectione, contingebat, at adhibita magna vi, omnibusque ad foetum extrahendum en-

---

x) *Reflexions sur la section de la symphyse du pubis*, par M. PIET, 1778. pag. 20.

y) PIET lib. cit. pag. 22.

z) GUERARD lib. cit. pag. 45.

a) BAUDELOQUE lib. cit. pag. 12.

b) LE ROY lib. cit. pag. 35.



cheiresibus pubis ossa semper eandem servabant distantiam, nec ulterius a se invicem fuere remota; quod etiam non mirum est, posterior enim ossium innominatorum pars, ultra sacrum os excurrent, in variis subjectis varie incurvata reperitur, ita ut hæ duæ extremitates plus vel minus a se invicem distent, unde etiam inæqualis illa ossium innominatorum pars retro planam illam cartilagine incrustatam partem reperiunda, lateribusque ossis sacri adjacens magis minusve inde remota est, unde etiam pubis ossa majorem minoremve diductionem admittunt: Diductis enim pubis ossibus, posterior ossium innominatorum pars inæqualis propius ad os sacrum accedit, ejusque lateribus applicatur, nec cedere ulterius valet, quo magis itaque posterior ossium innominatorum pars introrsum curvata est, eo citius etiam ossis sacri lateribus insistit; eo minus etiam pubis ossa a se invicem diduci valent: Vi quidem adhibita, ulterius diduci possent, at separatio synchondrosium sacro-iliacarum sane inevitabilis esset, plenariaque dislocatio contingeret. Quod si enim structuram illarum synchondrosium accuratius lustras, videbis, hæce ossa ita cum se invicem juncta esse, ut motum quendam admittere possint; hicce motus autem sursum deorsumve fit, non autem in latera; id, quod etiam videre est in pelvibus, quarum ossa reperiuntur mobilia, tum enim hæce ossa facili negotio sursum deorsumve supra se invicem moveri valent, non ita autem in latera. Ex dictis etiam liquet, quanta ex nimia illa ossium distractione propullulare possint mala, quando nempe junctura hæce tam artificiosissime constructa solveretur, penitusque rumperetur.

### §. XLVII.

Probata itaque inutilitate sectionis synchondroscos ossium pubis eo in casu, ubi superior apertura nimis est

arcta, restat nunc quæstio, numne igitur hæcce operatio penitus sit releganda? num vero in inferiori apertura alicujus esse queat utilitatis?

### § XLVIII.

Prouti enim in apertura superiori conjugata justam suam dimensionem quandoque non servat, sic etiam in inferiori apertura diametri vitiatae nimisque coarctatae reperiuntur. Recta enim diameter a pubis arcu ad coccygis os ob nimiam coccygis incurvationem anteriora versus nimis arcta obstaculo esse potest in partu c). Potest etiam transversa diameter nimis esse angustata ob nimiam compressionem tuberositatum ossium ischii ad se invicem d).

Licet quidem coccygis os quandoque nimis antrorsum procedat, tanta tamen obstacula partui opponere haud valet: Ponamus etiam tanta exinde provenire obstacula, ut foetus caput per illam diametrum transire impediretur; sectionis synchondroseos ope hæcce obstacula non tollerentur: nam prouti superior diameter recta illius sectionis ope fere nihil augetur, ita etiam idem contingit in inferiori.

### §. XLIX.

Quod autem inferiorem diametrum transversam attinet, quæ quandoque ob nimiam suam coarctationem partum admodum difficilem per vias naturales imo plane

c) SMELLIE *Traité des Accouch.* Tom. I. Liv. I. Chap. II. Sect. 4. pag. 81.

DELEURYE *Traité des Accouchemens* Part. I. Liv. I. Sect. 2. §. 19. 20. pag. 5.

d) SMELLIE Lib. cit. pag. 82. DELEURYE lib. cit. §. 25. pag. 6. BAUDELOQUE *Principes de l'art d'accoucher* pag. 18.





impossibilem reddere valet *e)*, quippe quæ diameter quandoque tres solummodo pollices æquat, quandoque nec hancce dimensionem attingit *f)*.

Ne autem hæcce diameter partum per vias naturales impediat, necesse est, ut ad minimum tres pollices æquet *g)*.

### §. L.

Quod si itaque hæcce diameter tribus pollicibus adhuc minor est, ita ut caput foetus vivi eam permeare haud valeat: tunc sectio synchondroseos alicujus posset esse utilitatis, quippe nimirum illius ope ossa innominata in latera ducuntur, hinc etiam tuberositates ossium ischii a se invicem removentur, hinc transversa elongatur, in ea enim ratione, qua pubis ossa a se invicem removentur, tuberositates ossium ischii in latera cedunt, & ita tandem caput per illam aperturam transire posset. Tale quid etiam Cel CAMPERUS observasse videtur *h)*, qui facta sectione synchondroseos in cadavere vetulæ, duplicique chorda circa coxas injecta, ut pubis ossa proxime rursus ad se invicem ligata tenerentur, postquam uterus & vagina cum vesica ablata erant, foetum mortuum aliquot dies natum capite ita demisit intra pelvim ut incuneato simile foret: vecte Roonhusiano difficulter quidem caput extraxit; soluta autem ligatura pubis ossa valde dehiscebant, & applicatis tum ambabus manibus perquam facile caput extrahere potuit.

### §. LI.

Quando autem inferior apertura justam suam non

*e)* DELEURYE lib. cit. §. 25. pag. 6.

*f)* SMELLIE *Traité des accouchemens* Tom. I. Liv. I. Chap. 1. Sect. 4. pag. 81.

*g)* BAUDELOQUE Lib. cit. Chap. 2. Sect. 5. pag. 12.

*h)* CAMPERI epistola cit. pag. 141.

servat dimensionem, raro tamen sola vitiata est, quin superior etiam apertura coarctata nimis sit *i*).

Ponamus autem superiorem aperturam nullo laborare vitio, inferiorem vero nimis esse coarctatam, ita ut caput foetus in pelvis cavum per dolores depressum, inferiorem aperturam transire nequeat, atque ita intra duas pelvis aperturas hæreat: Numne itaque in hocce casu sectio synchondroseos commodi quid præstare valet? Dum sectio Cæsarea absque evidentissimo periculo institui haud potest, imo plane impossibilis censenda est. Dum enim caput foetus firmissime impactum est in pelvim, caput refundi in uteri cavum non valet, siquidem superior apertura æque ac inferior angustior est ipso pelvis cavo, hinc etiam ipsum caput per superiorem aperturam non adeo facili negotio rursus ex pelvis cavo retrahi potest *k*). Quando enim caput foetus vivi transiens per aperturam superiorem, seseque paululum juxta hancce aperturam accommodans, descendit in pelvis cavum, hoc in loco pristinam suam formam recipiet, dum adhuc in vivis est: hinc nec per inferiorem aperturam descendere valet *l*); nec etiam extra omne dubium est positum, quod caput foetus vivi per superiorem aperturam, quæ itidem angustior est ipso pelvis cavo rursus adeo facili negotio retrahi valeat, quin inter pubis ossa promontoriumque ossis sacri interceptum retineatur. Fac vero foetus caput absque vi retrahi posse; sectio Cæsarea tamen non amplius locum habere videtur, quando enim foetus caput dolorum vi sensim sensimque in pelvis cavum firmissime depactum est, de vita foetus multum est, quod dubites, imo vix non

---

*i*) SMELLIE *Observations sur les accouchemens* Tom. II. Rec. I. Art. 3 pag. 11.

*k*) ROEDERER *Elem. artis obstetr.* Gotting. 1766. Cap. 27. §. 779. pag. 310.

*l*) DELEURYE lib. cit. Part. II. Liv. 1. Sect. 7. §. 744. pag. 242.



semper actum est de illa, ob diuturnam validamque capitis compressionem perpeffam in descensu in pelvis fundum, quare non est, quod gloriari de se deberet operator, sectione Cæsarea in vivente matre feliciter quidem instituta; foetum tamen mortuum sese extraxisse. Aliud præterea imminet periculum illi, qui tali in casu sectionem Cæsaream adhuc tentaret, vix non semper enim doloribus per longum tempus jamjam durantibus, capite profunde in pelvis cavum depresso, disrupta sunt velamenta, effluxerunt aquæ, uterusque strictissime ambit tenue foetus corpusculum, eique firmissime appressus est: quo consilio autem, qua ratione, nunc uteri cavum aperire, quo modo scalpellum dirigere? ut proxime subtus latens foetus corpusculum non lædat, imo dum ipsi viam pandere deberet, ut in lucem prodeat, ipso momento illum e vivis tollat. Apparet hinc sectionem Cæs. hocce in casu locum habere non amplius posse. Quid autem censendum de sectione synchondr. ossium pubis? an ea tali in casu in usum trahi valet? cujus ope nimirum diameter transversa inferior augetur, ita ut dein caput foetus per illam traduci posset.

## §. LII.

Licet autem ratione dilatationis res quidem evicta sit; hæcce operatio tamen multis adhuc premitur difficultatibus haud parum pertimescendis.

Ratione enim sectionis haud sufficit, ut exterius mediis teneatur inter pubis ossa locus, sed maxime attendendum adhuc est, ut secundo media semper teneatur via, ut inter duas illas cartilagines pubis ossa ea parte, qua sibi invicem sunt contigua incrustantes, incidamus: quod si enim huncce locum felici non reperis manu; si

Anchylosis *m*) bina pubis ossa cum se invicem conferruminavit; tunc coactus eris, illa ossa ferræ ope a se invicem discriminare, id, quod Cel. SIEBOLDO accidit in femina Herbipolitana. Quod si vero nulla adest anchylosis, si synchondrosis ossium pubis bene est constituta; cum scalpello tamen, rectam non servans viam, in dextrum aut sinistrum os incidis, illud ab osse retrahere debes, illudque versus alterum latus dirigere, ut rursus in synchondrosin incidas, duasque cartilagines a se invicem divides: En tale quid hicce locorum contigit, cum prima vice ratione sectionis synchondr. experimentum in cadavere institueretur, dissecta enim media in parte synchondrosi usque ad dimidiam ejus inferiorem partem, scalpellum incidit in pubis os lateris sinistri, atque ulterius secare renuit, dirigendo autem scalpellum versus latus dextrum, rursus in cartilaginem incidit, synchondrosinque facili negotio divisit operator. Hocce infortunium quidem non metuendum esset, si pubis ossa, relaxatis a natura ligamentis, paululum jamjam a se invicem remota offenderentur, ita ut spatium quoddam inter se relinquerent, quo facto dein scalpellum haud ita facile a recta deviare posset via; id quod WEITBRECHTIO *n*) aliquando

---

*m*) Anchylosin inter duo pubis ossa Cel. HUNTERUS (*Medical Observations and Inquiries, by a Society of Physicians of London* 1764. Vol. II. Art. 28. pag. 336.) nunquam reperit; licet quidem varias anchylosas vertebrarum observaverit, ossiumque innominatorum cum osse sacro, nec non etiam ossis sacri cum osse coccygis. Cel. SANDIFORT vero (in suis *Observationibus anatomico-pathologicis*, Lugd. Batav. 1777. Cap. 7. pag. 100.) ossa pubis cum se invicem ossea substantia cohærere posse asserit, asserans pelvim, quæ ejusmodi anchylosin abunde probat, addit tamen, sese præter citatum exemplum aliud nunquam vidisse, nec in maximis morbosorum ossium thesauris talia specimina exstare.

*n*) WEITBRECHT. *Syndesmologia* §. 50. pag. 131.





quando contigit; quum Conventui Academico talia pelvis ossa mobilia ex muliere non ita longe post partum defuncta exhiberet, in quibus, facta per solum annulum incisione, reliqua commissura non quidem multum dehiscebat, sed tamen adeo dissoluta erat, ut sine ulteriori opera in duo diffinderentur frustra, æque ac si nunquam conglutinata fuissent. Eadem etiam observavit Cel. GUERARD in foemina LANGENS, incisis enim anterioribus synchondroseos ligamentis, pubis ossa jamjam separata a se invicem reperit o).

### §. LIII.

Ponamus autem pubis ossa felici sectione, iusta servata via, a se invicem separari posse; aliud nunc surgit obstaculum, collum enim vesicæ ejusque corpus a foetus capite firmissime in pelvim impacto valida vi pubis arcui apprimuntur, licet itaque sectio quam cautissime instituitur, evitari tamen vix potest, quin una aut altera sectione scalpelli acies proxime subtus latentes partes tangat, easque lædat; quam primum enim pubis ossa in inferiori etiam parte a se invicem separata erunt, statim subtus latens vesicæ pars in altum sese elevabit, scalpelli aciei incurret.

Objicere quidem quis posset, quod ad evitandum hocce infortunium sectio ab inferioribus sursum & ab interioribus extrorsum institui deberet, ita ut dorsum scalpelli, cujus etiam mucro globulo munitus esset, subjacentibus partibus obvertatur, quam encheiresin autem admodum difficilem puto; nondum enim incisa superiori synchondroseos parte usque ad inferiora operator incertus est, num scalpellum justam teneat viam, nec in unum aut alterum pubis os impingat; valide porro appressio capite pubis arcui, non sat spatii superest ad scalpelli mu-

---

o) BRINKMANN lib. cit. pag. 9.

cronem introrsum dirigendum: fateor quidem, hancce encheiresin succedere, quando pelvis cavum a capite adhuc liberum est, tunc enim vesica subtus jacens retrorsum cedit, scalpelloque spatium subministrat; at foetus capite firmissime in pelvim impacto, res tunc alio modo comparata est.

§. LIV.

Concedamus autem & hicce locorum nil esse metuendum, sed omnia optimo cum successu peragi, synchondrosinque absque ulla læsione alicujus partis subtus latitantis dividi posse. Dispiciamus autem, quid in posterioribus synchondrosibus contingere debeat, numne absque damno ossa ilium a sacro separari valeant, id, quod necessario contingere debet, si pubis ossa nimis a se invicem removentur, qua enim ratione hæcce ossa diducuntur, posterius etiam ossa innominata a sacro dimoventur, & quidem ea præprimis in parte, qua synchondrosis sacro-iliaca sub lineæ albæ forma in pelvis cavo apparet, hinc etiam membrana illa ligamentosa hancce synchondrosin in pelvis cavitate obvolvens maxime distensa in extremo fissionis versatur periculo, tandemque etiam rumpitur, unde dein humores intra hancce synchondrosin sensim sensimque sese demittere, atque inter illa ossa sese diffundere valent, stagnatione acrimoniam contrahere, atque ossa illa spongiosa arrodere. Tale quid quidem metuendum non esset, si ossa ischii non nimis magna remotione opus haberent, quod si autem hæcce ossa sibi nimis sunt propinqua, ita ut validissima diductione opus esset, ut capiti transitus concedatur; si præterea uteri contractiones validissime urgent, caputque maxima vi nunc per hæcce angustias transprimunt, & uno quasi impetu extrorsum pellunt, tunc sane non potest non fieri, quin una aut altera synchondrosis sacro iliaca penitus dissolvatur, plenariaque dislocatio contingat; quanta



autem lerna malorum ex tali infortunio surgere queat, quivis facile perspicit, qui considerat, omnem humani corporis molem pelvi unice inniti, quæ veluti totius ædificii fundamentum est. Quod si autem uteri contractiones silent, atque ab incepto opere desistunt, si caput loco suo manet immotum, forcipis ope illud extrahendum esset, id, quod quidem maxima cum cautela perficiendum esset.

#### §. LV.

Quod autem successum huius operationis admodum adhuc reddit dubium, an fini suo respondeat? considerandum est, quod in capitis incuneationibus signa de vita & morte infantis admodum sint incerta, ita ut quandoque contingere posset, ut operator de vita foetus nullus dubitans facta sectione foetum tamen protrahat mortuum.

#### §. LVI.

Quod attinet sequelas, quæ hancce sectionem sequi possunt, eæ etiam haud levis sunt momenti: in tribus illis operationibus in vivis institutis, urinæ involuntarium profluvium evitari haud potuit, suspicari etiam licet, molestam hancce urinæ incontinentiam tali operationi nunquam non accessuram esse, nulla etiam admissa immediata vesicæ læsione. Multum præterea metuendum est ratione synchondrosium sacro iliacarum, ne illæ disjungantur, divellanturque, licet enim negari nequeat, in foemina SOUCHOT malum ischiadis ortum traxisse a lacte in primo partu reorpto, idque postea singulis in partibus recruidisse, fatendum tamen est, eosdem dolores ruptæ synchondrosi os ilium cum sacro connectenti facile tribui posse, id, quod etiam verosimilius videtur. Dum enim sectio synchondr. in foemina SOUCHOT instituebatur, femora valde distenta tenebantur *p)* ita ut facta

---

*p)* LE ROY lb. cit. pag. 78.



sectione uno quasi impetu a se invicem distraherentur, præprimis autem os pubis lateris sinistri majorem secessum fecit, unde etiam necessario synchondrosis sacro-iliaca sinistri lateris maxime defatigata esse debuit, ossaque ejusdem lateris a se invicem diducta, hinc humores effusi in hancce synchondrosin sese demittere potuerunt, stagnatione acres facti dolores excitare.

Fasciæ dein applicatio tribus illis feminis, quæ operationem subierunt, ad conjungenda pubis ossa admodum dolorifica fuit *q*), variisque vicibus relaxari debuit, nec mirum: dissecta enim synchondrosi pubis, posteriora pelvis ligamenta, sublata nimirum resistantia, sese contrahunt, seseque stringunt, hinc ossium ilium extremitates posteriores ad sacri latera attrahunt, pubisque ossa a se invicem dimovent; ut itaque hæcce ossa rursus ad se invicem adducantur, fascia opus est, ossibusque pelvis circumvoluta valide adstringenda, id, quod autem non potest non dolores creare: ex hisce etiam liquet, quid de circulo chalybeo coxas complectente tenendum sit, quem Cel. CAMPERUS *r*) in tali casu adhibendum suavit.

Ipsamet animalia, quæ huicce operationi fuere subjecta, fasciarum applicationem ægre ferebant. Cel. CAMPERUS *s*) ipsemet observavit, suum adeo calcitrasse, seseque tam vehementer emovisse, ut fascia nonnisi difficulter applicari potuerit. RIPPING *t*) novem canes huicce operationi subjecit, qui fasciarum applicationem nullatenus admittebant, easque statim divellebant, nec prius, quam his remotis, ab eorum divulsione desistebant.

---

*q*) LE ROY lib. cit. pag. 39. GUERARD lib. cit. pag. 21. 23. BRINKMANN lib. cit. pag. 12.

*r*) CAMPERI epistola cit. pag. 143.

*s*) CAMPERI epistola cit. pag. 136.

*t*) RIPPING dissertatione cit. pag. 37. §. 36.



§. LVII.

Quod si autem pubis ossa a se invicem remota manent, nec penitus ad se invicem adduci valent, multum metuendum est, ne vesica subjecta in hocce intervallum procidat, atque a visceribus in abdomine contentis ulterius adhuc protrudatur, id, quod accidisse videtur in foemina LANGENS. Et si multum a se invicem distant e. g. sesquipollicem, dubitandum maxime est, num substantia callosa generari valeat, quæ tale spatium repleat, ossaque cum se invicem jungat?

Quod enim conglutinationem ossium pubis attinet, duo præcipue consideranda sunt momenta: Sectio synchondroseos enim vel immediate inter duas cartilagine, in parturientibus quandoque paululum a se invicem remotas ducitur, ita ut hæ cartilagine non lædantur; quo in casu tunc, si pubis ossa paululum solummodo a se invicem distant, ligamenta rursus cum se invicem concreescere valent, synchondrosinque unire, prouti RIPPING <sup>u)</sup> observavit in canibus huicce operationi propositis, in quibus sanatio facta fuit ope substantiæ ligamentosæ ab exteriori & inferiori parte hanc synchondrosin unientis, intermedio nulla substantia repleto, synchondrosis etiam semper erat mobilis usque ad necem, dum nunquam nisi in uno, in quo nempe osseam substantiam læserat, calli vestigium offenderit. Vel vero sectio non immediate inter duas cartilagine incidit, sed paululum dextrorsum aut sinistrorsum fertur, & ita una alterave cartilago læditur, imo ipsa substantia ossea offenditur, qui casus omnino multum negotii facessere valet operatori, possunt quidem hæcce ossa ope calli rursus cum se invicem conglutinari, ni nempe nimis a se invicem dimota sunt: at accidere etiam potest, ut suppurationis materies in cavernosa ossa sese defundat, cuniculos agat, atque ossa illa sensim sensim-

---

<sup>u)</sup> RIPPING Diff. cit. §. 36. pag. 38.



que carie devastet, tale quid in foemina *Herbipolitana*, accidisse videtur, in qua nimirum observatum fuit, integro fere elapso anno plagam ei inflictam adhuc fistulosam esse, variaque ossicula exfoliationis ope sensim sensimque secessisse.

### §. LVIII.

Ossium conglutinationem admodum adhuc difficilem reddit situs, quem ægræ constanter servare debent, quemque difficillime servare valent; impossibile enim fere est, ut per sat longum temporis spatium eundem semper situm teneant, nec, mutato subinde situ, pelvis ossa etiam moveant, præprimis si fasciam non ita, uti deberet, applicare licet: accedit adhuc actio musculorum abdominalium præprimis rectorum, qui ossibus pubis infixi, punctum suum fixum hicce locorum etiam habentes, soluta symphyssi pubis contractione sua pubis ossa sursum trahunt, ita ut motus quidam sursum deorsumve in pubis ossibus locum habere valeat, qua ex causa naturæ opus in conglutinandis ossibus multum impediri debet.

### § LIX.

Ex dictis itaque concludere licet, sectionem synchondroseos ossium pubis ob adeo exiguam conjugatæ elongationem sectioni Cæsareæ eo in casu substitui haud posse, quo ob nimiam aperturæ superioris coarctationem hæcce operatio inevitabilis est; eo minus etiam, quia nunquam adeo accurate de illa apertura dimensiones capere valemus; in inferiori autem apertura, ubi nimirum transversa diameter nimis est coarctata, licet de ejus dilatatione, sectionis synchondroseos ope impetranda, certissimus, ob varias tamen difficultates ibidem reperiundas periculis haud vacare, atque eventus ratione valde adhuc dubiam esse.

